

精鈔
大字

隨

園

全

集

戊午季校正精鈔

筱雲詩選

文明書局藏版

上海文明
書局藏版

敘

錢唐陸茂才筱雲。工詩善尺牘。客余所者凡五年。余試官河南。旋假歸省。往返並與之偕。歸逾歲。而以癸巳年四十八無子。若文亦無族屬可繼絕者。僑寓白下。寡婦僅存遺稿。散逸將就漸滅。爰為葺錄。得詩百餘篇。復從袁子蘭邨處得百餘篇。合而計之。得二百二十七首。釐為二卷。付之剞劂。俾附其先人。涓君集後。先是涓君歿。其舅氏隨園袁太史論次其詩。并為小傳。以弁卷首。備述其力疾警字的句。若沾沾於身後名者。揭其志行。所以勗其遺孤。傳中稱有子官郎。生八年者。筱雲乳名也。自余為太史門婿。始識之。小倉山房。齒長且賢。因折輩行為第弟交。筱雲為人介而誠質。而禮斤斤不踰尺寸。而與人無忤。太史暮年。負海內重望。走書幣者門無虛日。應求文字。頗以屬君。當其合作。幾不可辨。蓋筱雲依其大母於隨園。久親承太史指授詩古文辭。具有法度可觀。迨太史歸道山。始就余瓦梁。茲檢其手稿。在瓦梁作者過半。因念前此之放失者。不知凡幾。且筱雲自以兩世羈孤。思博科名以自振。耗精帖括。頗廢吟詠。卒不遇於有司。乃莞篤佻僚。至損年壽。吁可悲已。夫人年壽極於期頤。而志力動規百世之上。聖哲不斥其惑。此身與心實有絲歷於無窮期者。心之所寄。述作是也。身之所分。子孫是也。逝者即無知。當屬纏時。能不以斯二者往復於中哉。今筱雲既無繼嗣。以繇其祀。遺詩又零落。所存止此。且不獲如太史者。品目而表章。足以徵信於後。僅得余於敝篋故紙中。撫拾一二以存之。嗚呼。筱雲窮於天。而復於窮人。

抑何酷也。或者板本流布較廣傳寫他日藝林因太史之言而重涓君。因涓君之詩而求筱雲不至其詩心與祀斬焉俱絕於世。莫過一知音於將來。用慰泉壤。此雖未可知之數。然余為筱圖不朽者。力止於是矣。

嘉慶十二年丁卯秋日紫珊汪世泰序

陸小雲傳

君名應宿字崑圃。又號小雲。余姑適陸氏者之孫也。考建抱才不遇以瘵卒。君甫八歲。隨母張孺人育於外祖古香先生家。未數年。孺人又卒。君幼即岐嶷沈默。寡言笑。與諸舅齒相若。同學同嬉戲。即能自知孤露。欲然自卑。故得諸舅歡。年十八。補博士弟子員。肄業紫陽書院。既昏於馮氏。外家中落。君始偕配來侍祖母於余家。年二十七矣。其時先君子為朝野宗仰。乞詩文者屢穿戶限。先君子齒高稍倦。酬當間命君屬稿。動合意旨。絕愛憐之。日加拂拭。凡十二年。而君業大成。及門諸子。俱自遜不及。然君痛父母早卒。終鮮兄弟。祖母年又衰。嘗泣謂余曰。文藝末也。當取衣錦以報劉矣。用是溺苦帖括。孜孜矻矻。最嗜陳星齋先生文。每作一藝。必規撫之。不窮其真不止。天如遂君之志。使君即掇巍科。躋清秩。陳情歸養。夫豈有慚乎。迺歲丁巳。先君子捐館舍。越一載。余姑亦卒。君時雖頻試高等。食廩餼。而外失師傳。內念宗祀。居恒怏怏。素嗜酒。至是不近杯罍。專意孤詣。積勞成疾。不自知也。館於余者又二年。余姊夫汪司馬子山知君才。聘為記室。旋偕入洛。中州士大夫讀君著述。折節納交。一時有士衡再生之譽。明年返瓦梁。疾作。復渡江歸。稍稍以窮經為苦。思欲自放。以全其天。而不可得矣。以乙丑冬。卒於家。年四十有八。次年秋。配馮奉先姑及君柩。歸葬於錢唐羣亭山之陰。所著有負瓢集四卷。入洛吟二卷。雜文若干首。子山擇其尤者。仿君考槃花軒集。板而行之。以余與君最親。屬為作傳。余才力孱弱。何足以傳君。君又無奇遇大節。取重

於世。僅就其生平出處敘述如右。或後有請放不過才人以慰九幽之舉。執此以為君秀可也。君無子。族人寥落。亦無可繼絕者。昔先君子為君考作傳。猶冀君能振其家聲。今余之傳君也。更無可冀焉。尚蒼蒼者待陸氏之酷也。嗚呼。

嘉慶丁卯歲七月望日同里袁通撰

筱雲詩集卷上

錢唐陸應宿昆圃

書舍偶成

空庭人不到。一卷足悠然。新月上林杪。四山生暝烟。詩多忘削稿。琴古不安弦。陳榻何嫌借。常容客醉眠。

雨後同人集普明寺看桂

蠟屐招攜過野塘。為探叢桂到僧房。亂泉過雨水聲急。一徑入雲松氣涼。閣啟湖邊山送翠。杯傳花下酒添香。迢迢南宋留遺蹟。斷碣模糊卧夕陽。

哭周文鶴汀

黃墟遽爾隔音塵。鏡上驚亡宦海身。君嗣又知為客累。孝謙翻以在官貧。署中賓客幅輳致多賠累魚書幾度邀存問。琴閣無緣接笑頰。屢蒙見召不果行爭禁風前不流淚。感深知已倍傷神。

采蓮橋看荷次玉階舅氏韻

采蓮歌唱小橋邊。臨水亭亭照影妍。風過葉翻千頃碧。雨餘香散一溪烟。深林落日有秋意。野鳥帶雲歸遠天。笑指酒帘飄柳外。招攜共解杖頭錢。

飲酒歌戲贈曹齋

吾家思齋古狂士。生平所好酒而已。每值登筵笑口開。瞻焉目注深杯裏。近視頻年襟被走西東。
硯田下瘠歲不豐。可憐牛飲鯨吞氣。消盡殘杯冷炙中。昨來適館清河宅。常容賤子趨前席。盜
竄難追吏部風。倒巾敢步山公迹。從此尊前五唱酬。春秋佳日無時休。食邑願封酒泉郡。頭銜博
取醉鄉侯。君每狂言發酒後。此中宜飲指予口。試問今稱獨醒人。畢竟醒時何所有。燭凡幾跋酒
欲空。猶把金尊不放手。我聞君謔亦軒渠。興到何妨長夜娛。正好傾杯勸殘月。叩門再向鄰家
沽。

夏日遣興

喜無俗累擾吟懷。簾隔炎曦晚始開。老境不妨隨分過。好詩難得自然來。庭松分翠侵書幌。梅雨
初晴長石苔。遙識西湖蓮正放。何當飲取碧筒杯。

偕王階舅氏之黎里舟中同作

平望塘西一棹開。菰花瑟瑟雁聲哀。重湖秋水浮天遠。幾葉風帆背日來。乍見炊烟知市近。却迷
渡口向橋迴。蓬窗沈坐天將晚。沾得邗醪勸舉杯。

西湖詠古

負販起豪傑。湖山昔建旗。開門為節度。納土恤瘡痍。強弩潮神避。垂旒石鏡知。如何進奏吏。曾向

汴梁馳。萬嶺神仙宅。平章甲第開。美人龍蟋蟀。初日擁樓臺。館客朝評帖。笙歌夜舉杯。至今燈

影寂。燐火滿山來。此日孤山裏。偏無一樹梅。可因高士去。懶對俗人開。拜墓披幽草。看碑剔古苔。

空亭斜照落。不見鶴飛回。橋半一坏土。碑題認夕陽。美人有疑冢。此地說埋香。蘇小墓在嘉興此傳誤也山色

分眉影。湖波作鏡光。同心何處結。合問水仙玉。

舟中即景

襍被無端別里門。寒原日落近黃昏。舟因風轉帆無力。橋受篙多石有痕。回首好山如送客。遺懷濁酒自傾尊。戎樓聳處炊烟亂。知是前頭又一邨。

渡江

趁曉開江舉棹忙。金焦山色鬪青蒼。分明鏡裏雙螺髻。一是濃妝一淡妝。四回衝颿激浪聲。翦江斜渡片帆輕。算來不比人情險。如此風波尚可行。

到隨園

入山隱隱見樓臺。鞭拂烟霞策馬來。出嶺雲猶飛嶺嶠。主人游粵未歸合家人似住蓬萊。小春和煦梅將

放。遠客生疏鶴亦猜。大母康強猶似昔。披幃下拜笑顏開。此身如夢到卿孃。紙醉金迷獨

倚欄。六代山從高閣見。四時花向小春看。漫夸福地棲身好。轉恐奇書盡讀難。為語絳紗諸弟子。

魯門公下有韋丹。韋丹以甥孫從顏真卿學

立春日擁青閣晚眺次壁上韻

小樓高擁石城霞。烟水低迷望眼賒。四面嵐光沈夕照。一年春信到梅花。孤雲隔澗如招客。羣鳥投林各認家。階下僧雛拾松子。竹爐煨火為烹茶。

桃源圖

漁舟何路入烟霞。避地因嫌作計差。不把桃花滿山種。那知源裏有人家。

雲暗

雲暗不成雨。晚山歸鳥喧。寺鐘催月上。野火破林昏。舊雨懷千里。新愁付一尊。春光漸狼藉。誰製護花幡。

客秋八月偕玉階舅氏之梨里表弟周春宇留宿青照樓。燕游旬日。因與春宇同歸武林。盡歡而別。迄今剛一稔矣。感舊懷人賦詩寄寄。

去年此日吳江道。秋水澄清秋月好。為訪幽樓天未明。鄰家怪客敲門早。舅甥小住水雲隈。稻蟹初肥客正來。連宵地主爭投柬。幾夕壺觴共覆醅。高樓二宿懷青照。滿架牙籤投風好。主人愛客比陳遵。賤子高吟學謝朓。歡游彼此惜襟分。解纜言旋更拉君。鶯脰湖寬菱任采。吳儂歌好夜同聞。挂帆不覺歸途速。叢桂迎人香滿屋。甯氏均叨宅相稱。洛中敢負雙珠目。余與春宇皆張氏甥西湖頻放畫橈游。龍井泉邊鷺嶺頭。吟罷共尋花下路。月明還上酒家樓。此時竟趣盡交歡。此際臨歧別。

更難縱多後會年方少。爭忍聯床夢忽闌。君歸我亦行裝發。纔唱驪歌愁復結。荆樹君多大被春。
蘆洲我對寒江雪。金陵非復舊繁華。到此情深弔古嗟。非是江淹工賦別。可知王粲苦無家。天涯
轉瞬年華改。回憶前游剛一載。作客方知行路難。遣懷惟有詩篇在。江魚剖得滑陽書。道爾能
來慰索居。童子下帷須苦志。樂羊游學莫歸歟。君從杭州團團獨我緣。向淺頗似飄蓬悲四轉。半夜
蟲聲客思孤。簾秋雨愁懷卷。安得長江覓小舫。中流鼓柁乘秋濤。歸帆一卸梨花里。呼酒同持
左手螯。

登小倉山

好山當戶便登臨。石磴穿過竹徑深。雲散遠天浮塔影。鴉翻殘照落楓林。一年又作悲秋客。六代
空餘弔古心。卻累差僮尋不得。白雲遮我半山陰。

清涼寺晚歸

薄暝叩禪扉。斜陽沈翠微。燈殘昏佛面。雲墮濕僧衣。木葉迎風顛。鐘聲送客飛。園扉隱深竹。臺
榭少依稀。

雨中晚步

芳塘引步晚來天。柳色深沈暮色連。微雨小橋人獨立。鷺鷥飛破一溪烟。

暫歸杭州與故人飲

飄泊歸來笑此身。依依杯酒話平生。明知歡會日無幾。只覺故鄉人有情。夕照半林蟬噪急。秋風滿徑桂香清。湖山解我相思意。數點峯青刺眼明。

哭虛齋舅氏

難將楮墨寫深恩。抱我孩提卜我婚。曾對短檠親課讀。偶成新詠為評論。春風湖上陪游屐。夜雨庭前侍酒尊。往事重重成一夢。爭禁回首不銷魂。

昨歲孤舟繫石梁。臨歧猶為檢行裝。似知

永訣憐分手。屢問何時返故鄉。易費遺言悲未來。半雲屬望愧難償。半臺重向西州過。忍拜形容在影堂。

哭外大母

正擬還鄉日。重將警蹇親到門。半見回臨殯。遽傷神。客返遲彌月。仙游已浹旬。受恩難縷述。銜痛藉詩陳。憶我年方幼。悲生命不長。天連降災禍。庭早失菅簪。蒙把遺孤恤。深憐宅相貧。慈雲時覆被。弱息免沈淪。愛比諸孫切。憐逾阿母真。晨昏詢冷煖。長短度衣巾。偶借聰明鑿。常寬嬉戲噴。飴分勤讀夜。釵換束修銀。入泮顏微喜。登雲訓重申。扶持當稚齒。撫育到成人。鳩杖恒隨侍。椒盤共宴春。年餘離梓里。旅迹滯江濱。悔負歸來約。難尋再見因。早知違色笑。底事走風塵。草草生芻蕘。悠悠落魄身。追思廿載事。涕淚濕重茵。

冬日漫興

夕陽西下背高臺。坐砌龍烟鶴啄苔。霜葉閒呼童子掃梅花。如待主人開。
隨園主人 初暝雀噪寒林雪欲來。積有玉筠同下榻。山窗常共覆新醅。
謂紫垣 隨園主人 積歸野徑天

春日偶吟和隨園主人

四圍山色撲簾青。人坐禿禿草一庭。多少閒愁消不盡。只應吟與杜鵑聽。
黃鳥嚶嚶喚曉眠。天桃含笑柳含烟。有心方便尋花蝶。閒捲蛛絲屋角邊。
為惜春光去太忙。夜深猶自步空廊。月來衣上見花影。風過竹林聞笛香。

十月一日袁瑞溪集同人泛舟虎邱

星光燈影蕩澄波。檀板金尊兩岸多。一陣衣香風動水。不聞人語但聞歌。

昭君

妍媸一任丹青手。難挽蛾眉遠嫁身。妾有甘心歸絕域。君王留意後宮人。

綠珠

金谷樓前玉質推。烏啼月落有餘哀。美人一點分明意。不是珍珠買得來。

七月三日夜坐

玉宇微微襯薄雲。銀河何處問仙津。卻憐新月如新婦。纔露蛾眉便避人。

春游

策馬山崖更水涯。鞭梢一路拂烟霞。吳奴落後緣何事。貪折一枝紅杏花。

秋齋

簷雨住還滴。風窗掩復開。家山瀟夢到。旅雁帶秋來。身瘦寒先覺。愁多老漸催。寄人離落下。也買菊花栽。

偶過

偶過北邙山。蕭蕭邱隴寒。誰家澆麥飯。鴉立樹頭看。

冬夜偶成

山館未成雪意。佛樓遙遞鐘聲。林外一燈明滅。那知有人行。

雪後

寒雲漠漠罨孤邨。鎮日渾無客到門。積雪滿山光似畫。畫官猶到未黃昏。

春初曉起

睡起匡牀日漸升。春初猶覺曉寒凝。簷前聲滴去年雪。窗畔影留隔夜燈。纔見開花蜂便至。誰來叩戶鳥先鷹。閨中也有關心事。檢點新詩幾首增。

春寒久雨為花乞晴同人分賦

四顧芳菲意惘然。東風料峭雨連綿。紅顏命欲推三月。綠字章須達九天。但使黃人常捧日。免教

紫玉竟成烟園林會見陽和轉莫笑多情杜牧顛

曝書

旭景正留三伏日關心好曝一倉書線多脫處經梅雨手乍翻來走蠹魚舊稿忽從無意得落花
還認隔年儲中庭檢點橫陳物笑我便便腹可虛

初夏漫興

長日閒居逢興生多因無事澗心情暑書怕忘看隨摘好句難成韻屢更夜枕漸愁喧白鳥曉窗
猶聽嘯黃鸝卻嫌綠葉濃陰處遮住遙山望不清

同袁蘭邨登掃葉樓

綠陰障日野風清同上層樓望眼明地迥塔從雲外立江空舟似鏡中行客來六月剛逃暑僧指
羣峯細說名乘興更尋蕭寺去隔林遙聽暮鐘鳴

雨後園林晚步

向晚尋幽屐印泥檉籬東畔石闌西小溪路斷有雲渡老樹即空容鳥棲竹密漸看新筍長雨收
還放夕陽低釣魚人已歸家去猶把綸竿插柳堤

溪上對雨

獨立小溪邊潺潺響細泉雲多山裏絮雨急水生烟樓樹少啼鳥傍堤開釣船農歌三兩處知是

插秧天

夏夜

一榻迎風坐更深未掩門。鳥驚移樹月。犬吠隔山邨。花濕露華重。天低星影繁。匡牀聞不靜。紈扇獨承恩。

聞鶯

兩兩金衣下碧柯。好音嫋嫋出烟蘿。為看春去愁如此。似向風前喚奈何。著意聽時啼又歇。惹人憐處語無多。不禁回憶西泠路。幾度攜柑載酒過。

寄玉階舅氏

舅氏久客登州。郵通芳訊。夏間有傳舅氏物故者。余且悲且疑。幸其言之訛也。得四十字以志感。閱兩月而舅氏之手書至。即夏間見寄者。欣慰之餘。再題一律。并前作寄之。

遠爾傳君死。鶯聞淚不支。路遙難探信。別久易生疑。故土家何在。名場數更奇。只期書一紙。來慰我相思。果得平安信。消余芥蒂眉。關心函回字。先看幾時封。人尚悲歧路。言難罄別懷。依稀烟墨裏。猶帶海雲濃。

抵杭州作

久作離鄉人。還鄉翻是客。樓身無一椽。岐路多踈踏。真如燕子歸。先將畫梁真。僧舍及烟家。三遷

始甯息戚友半凋零。慨然感今昔。當年孩提輩。相逢都岸湄。問姓稱某某。始知舊相識。西湖如好友。別久難為情。信宿即相訪。山光亦我迎。裹裳集舊雨。放棹當春晴。鄉味薦櫻筍。酒家烹鱖羹。可惜兩堤柳。無復當日青。天桃出牆外。引我尋花行。誰是出芭枝。儂且問流鶯。

慧華菴小住

故鄉歸自好。而我感偏增。翻作無家客。權為有髮僧。餐分齋鉢飯。吟借佛龕燈。差喜市廛遠。尋幽策瘦藤。

還鄉秋試留別山中友人

可奈西冷片瓦無。江邊打槳怯歸途。未知此度還鄉客。又作誰家屋上烏。

同人至靈隱白衲菴。為瘦鶴祖道觀古梅。登石筍峯。歡譙通夕。次早出山。別後卻寄。

離筵怕受僕人促。有意邀君入山谷。一菴高踞鷲峯顛。款客欣然逢白足。倚檻青來四面山。引泉響接千枝竹。老梅蟠地不知年。虬龍夭矯瘦蛟伏。頭銜合贈梅花王。奇古曾經 至尊目。尋幽更上數層崖。驚看石筍千尋矗。當年誰見萌芽抽。此外絕少龍孫族。須臾賓從紛紛來。提壺挈榼催羣僕。肴蒸猶帶西湖烟。暢飲不愁觴政酷。夜靜山多猿嘯聲。酒闌客就僧樓宿。和衣支枕睡未成。已見東方明一角。披帷冉冉佛香飄。啟戶濛濛嵐氣撲。朝日仄消樹上霜。荒雞啼遍雲中屋。各辭衲子下山來。信步前行歸路熟。從古良朋聚最難。人生樂境離方覺。爾日思君賦北征。馬衝寒雪

風鳴鐸定餘清。漫繞湖山。急寫新詩寄君讀。

高齋遺興

閉戶誰來叩。尋詩獨凭闌。閒游妨積雨。小病怯新寒。歸里身仍客。澆愁酒易乾。書中回味好。掩卷復開看。

夜抵春字家叩門不及仍宿舟中

繫纜門偏閉。深柳已二更。蓬疎星漏影。舟定水無聲。尚隔諸昆白。難勝此夜情。擁衾拚不寐。側耳待雞鳴。

同筆峯雲葉登中立閣次韻

挈伴登高處。湖心擁一龕。水光含照落。天影接浮嵐。望遠鄉愁觸。裁詩客興酣。不須僧煮茗。消渴破霜柑。辭筆嶺 檇代茶 未知歧路客。重到幾經秋。偶踐邱遲訂。難偕沈約留。余去金陵而雲葉亦將歸里 過橋人

倒影抱閣水分流。他日荒江上。還應憶此游。

同筆峯雲葉惠谷沈木斧醒菴分韻

客來何事鳥驚猜。為愛禪林絕點埃。得句不妨呈佛看。尋梅卻好遇花開。雲移竹翠侵蒼硯。風遞爐香入茗杯。此地正多吟興在。挂帆那禁別離催。

立春前四日歸隨園和蘭軒作

息息返棹逼殘年。重到園林一惘然。絕妙詞多添別後。遲歸客尚占春先。短檠分照讀書夜。小閣重開對雪天。剛值南枝梅早放。看花莫負酒尊前。

丙辰元日

細數更籌夢不支。披衣起坐待晨曦。風含春氣吹先暖。雞戀殘宵唱獨遲。已過聖朝周甲歲。又逢嗣主起元時。編完舊稿從頭起。手寫今朝第一詩。報罷依然抵石城。他鄉屢見歲華更。喜逢元日開新霽。怕飲屠蘇對後生。山裏客稀來賀節。枝頭鳥盡變春聲。九旬大母人間此。好向椒盤進壽觥。

漸老

漸覺老相逼。愁教對鏡光。面如梨作凍。齒似雁分行。夢怕回頭想。書纔過目忙。臨風一搔首。只欠鬢邊霜。

一拂祠看桂

紆迴山徑入秋雲。風送天香引客身。門隔深林尋不見。犬聲先吠看花人。直節千秋重畫圖。神龕未掃積塵污。先生應亦啞然笑。清到於今一拂無。

題徐侯齋先生遺像

先生為前明徐文靖公之子。國初時隱居蘇州之天平山。歿後。門人潘稼堂太史為建祠。

宇歲久傾圮。族孫山民捐金重葺。并得其小像。遺屬裝冊。徵詩。

勝國推華胄。興朝重隱淪。深山結幽宇。舊宅祀遺民。抗節高難入。遺容瘦有神。數行殘墨在。開

卷欲沾巾。

南州徐孺子。酌酒拜荒祠。慷慨懷高躅。公然罄積貲。葺修同姓責。風義九原知。我

作先民詠。香墨筆一枝。

題陳秋史亭角尋詩圖

春雲貼水飛不起。小亭一角花光裏。行吟負手陳無已。關鴨關邊詩料多。平湖如鏡山如螺。奈此
香紅澹白何。拈來語妙想非想。得意高歌頻拍掌。水聲也學吟聲響。追隨喜挈袞師兒。笑靨微
微若有思。牽衣代記阿爺詩。亭邊我亦曾呼渡。怪底囊裏無好句。那知先被君尋去。

九日臺城懷古

佳節喜晴霽。振衣登高城。蕭梁此遺迹。曷勝憑弔情。憶昔據形勝。建城如建瓴。乃忘蕭牆費。自召
跋奴兵。一朝身竟捨。豈知佛不靈。西風捲林落。疑作荷荷聲。不見紙鳶飛。但看落帽輕。我輩插茱
萸。前人揚旆旌。積雨爛秋草。猶聞戰血腥。似訴興亡恨。城根蟲亂鳴。時清障不守。寺近僧相迎。落
日遠江吸。危樓孤塔撐。當年決水處。一點漁燈明。

訪友暮歸

話別柴門外。攜詩滿袖歸。林深喧衆鳥。雲重隱斜暉。僻徑大驚客。荒庵僧補衣。山椒還小立。聞數

莫推飛

誌別

生小相看待絳紗。一朝催上六萌車。散花天女真無賴。偏送春光到別家。

慣聽羅幙放鉤輕

此夕蕭條短榻橫。月照空閨人不見。秋藤子學墮釵聲。

雀郊去婢有餘思。忍唱微之決絕

詞。寄語雲鬟休入夢。最無聊是夢醒時。

出太平門至京口道中雜詠

細雨吹風拂帽斜。荷鋤人種孝陵瓜。竹籬遮處柴門閉。紅出碧桃三兩花。

模糊斷碣卧斜曛

荒塚纍纍歷幾春。我欲停車問翁仲。此中可有六朝人。

野店樓身夢未成。僕夫催起說天明

憐他壁上燈如豆。纔照人眠又送行。

春深烟樹綠迷茫。遮卻金焦髻影雙。不是高帆移樹杪

那知隄外即長江

楊忠愍公像

展謁先生到古祠。立朝風采略聞知。姜公肯受權門用。苦口偏生閭主疑。身比姜原維有膽。命終

歐建尚吟詩。須眉畫上顏如戟。想見當年抗疏時。

夏日雜興

隨著香風過小橋。舟停隔岸露漁篙。不知昨夜水微退。只道荷花忽長高。

幾個新蟬噪夕陽

一雙幽鳥浴芳塘披襟愛傍迴闌立曲折風來更覺涼

日落雙湖泛書檣波心驚起一魚跳

綠楊漸漸垂絲短也是中年鬢欲凋

新禾截後望秋成處處山田患久晴却笑斷雲含雨過

略飄幾點作人情

詩城歌

隨園主人以四方投贈詩裝背長廊號曰詩城

先生選詩如選將一城高築萬花上長廊百尺盡糊詩宛與駢壇作保障嘉名筆錫雅且新疎疎

密密雲錦陳喜有崇墉足位置免同論語燒為薪占來形勝更無偶青山抱左水繞右雖無劍氣

起豐城定有文光射牛斗除非風人到孰敢乘其墉無形之險勝玉公不須更設重門重先生原

是詩中霸李少鶴明府海內詞宗少並駕足使凌雲倚馬才一齊受降此城下城下千枝香雪清

城頭幾朵白雲行垂楊似學旌旗舞鳴鳥疑聞鼓角聲我每登臨看明月愧無橫掃千人筆長

城幸事劉文房略可充當守陴卒

重見

尚有意想一見緣驚鴻影又落風前生來骨比香桃瘦折後花非舊日鮮去燕暫歸還戀主持梧

無計更留仙知卿會得蕭郎意不訴離衷倍惘然

小住瓦梁汪稼亭招飲宜臺值雨和壁間袁蘭村韻

喜攬六峯勝。秋風薄暮時。衝烟歸鳥疾。帶雨去帆遲。半是西泠客。座中聞氏昆季皆吾鄉人同傾北海卮。微寒生此夕。正與酒人宜。
已換三條燭。猶凭百尺臺。江聲兼雨至。山氣隔城來。白雪迴檀板。紅妝勸玉杯。只愁雙蠟屐。歸路滑莓苔。

情蝶詩為嵇天眉作

錫山徐蓮塲獲一蝶。大如蝙蝠。白身紅足。雙翅淺碧。上有金眼四愛之盛。以筐懸於花下。越宿邀天眉往觀。見有蝶伏筐外。形色一如所獲。及啟視筐蝶。則筐外者亦側翅而入。若幸其偶之猶存。作不忍決捨之狀。因憐而釋之。徵詩紀事。

仙蛻能將佳偶尋。花陰相見不勝情。主人若使雙棲穩。願向筠筐過一生。
公子多情特放歸。欲乘風舉尚依依。羅浮此去須珍重。莫更探花兩處飛。

隨園先生就醫邗上寄詩奉懷

藍輿昨日出江城。時祝加餐繫遠情。行藥最宜明月地。尋花特借訪醫名。欣看落筆精神健。時授預家書預卜遠家杖履輕。珍重天寒歸及早。倉山猿鶴望先生。

王耐溪協領招游半山園

即荆公故址近為耐溪別墅

別墅風光勝。輞莊到門炎暑變。清涼不須重。笑爭墩事。一笏青山又姓王。禁苑銷沈樹集鳥。

銅溝遺址未模糊。不知一帶潺湲水。曾被宮人照影無。園為明時大內

同人至隱仙庵訪樸山道士並過全真觀小憩

叩關先自振衣忙。恐帶紅塵到上方。秋雨乍收烟尚濕。桂花纔落土生香。壁間風過琴弦響。樓外雲開遠岫蒼。傾盡茶甌忘久坐。細聽王遠話滄桑。
勞師相送出烟霞。蠟屐雙雙淺印沙。窄磴

二散雲霞路。鄒庵還許客探花。蕭蕭涼吹起叢竹。點點枯林棲暮鴉。記別丹房纔數步。回看已被翠微遮。

湘潭何麓門先生至自歷下喜晤呈詩兼寄松巢舅氏

朱顏青鬢六旬餘。入座清言玉屑如。正喜望雲來紫氣。先勞枉駕過蓬廬。遺民此日思何武。
先生曾作

字吾有客傳箋憶魏舒。蒙帶到舅氏手書我悔髫年騎竹馬。湖山未近細侯車。錦囊可把代雲收。

高唱新詩到石頭。故園定繫香草夢。他鄉當挽鹿車游。懷人滋味秋深雨。作客生涯水上鷗。為問

小山高士去。渭陽吟興不孤不。
先生與舅氏常相唱和

冬日讀紅豆邨人集有和王建原上新居詩韻十二首時余卜鄰隨園即景抒懷依數次韻

錄

景物望中新。倉山好卜鄰。聚書常苦少。傲愛諱言貧。歌詠消長夜。晴和愛小春。百年幾過半。應惜

幻中身。但博公榮醉。安知臣朔飢。沈腰吟裏瘦。潘鬢鏡中稀。薄漢鵬程遠。追風馬力微。平

生少年志。自笑已全非。自別故鄉邨。親知幾輩存。絮飛空有影。蓬斷本無根。去住烏棲幕。行

藏器處禪莫貪梁肉飽輕過五侯門

門外少人行。惟聞落葉聲。炎涼心盡淡。揖讓禮都生。但

見山圍屋。渾忘家在城。時過園叟話。花草略知名。

聞聲出蕭寺。見僧過野橋。寒山如我瘦。紅

樹比花嬌。向日蘆簾捲。熏香獸炭燒。官甯惟一榻。枯坐歷昏朝。

西湖釣游處。觸撥故園心。家

自依鍾阜。詩還唱越吟。仙蹤探葛嶺。泉響聽雲林。鴻爪曾留處。相思日夕深。

馬齒四旬餘。悠

悠歎索居。心長猶看劍。髮短不容梳。轉眼新歡失。回頭舊夢虛。關心北來雁。可有遠人書。

幽

草滿山房。齋心坐鹿牀。驢鳴歸市鐸。花送隔林香。新霽送山碧。飛沙落日黃。除將家釀酒。不問

葛洪方。

盆池疊石為小山歌

綠園主人真石友。閒居小試為山手。階下盆池三尺寬。就中層層起峯阜。峯孤阜複何鬱蟠。人巧之極猶天然。視之不過石數拳。已具千巖萬壑之奇觀。或如揉升木。或如鹿飲泉。或似峨眉未消雪。或似玉井初開蓮。嵌空疑出米顛袖。瑣屑不任秦王鞭。譎姿詭狀互起伏。日夕臨池看未足。月下豆漿雲氣浮。雨餘皴染苔痕綠。園林韻事俗所無。粉本彷彿偷倪迂。區區位置有神運。移山不比愚人急。吁嗟乎。物經手造即為好。壯游豈必思蓬島。寄語人間磊落人。自成邱壑何妨小。

緣園雜詠

岸舟

聞昔張融舟常臺岸上住主人屋仿之用以狎鷗鷺試招江湖人為唱公無渡

石浪徑

分明石數拳化作浪千疊風欲挾之飛石怒作人立我行不敢前生怕當頭壓

花雨樓

萬花擁一樓香霧迷晴樹花間蛺蝶飛樓外鶯流語有客來凭闌滿身撲紅雨

梅花硯

彷彿孤山邊香影都清絕時浮侵曉烟不辨黃昏月殘花落硯中疑是未消雪

通幽閣

到此路已窮忽爾入深窈始悟文人心愈曲乃愈妙回頭失來路但聞數聲鳥

環碧軒

流水環幽軒對之塵慮滌雅稱智者居平連春草色薄暮新月生一鈎破深碧

春蘭詞

香草莖莖吐紫芽條條綠玉帶烟斜憐渠生性安空谷吹到春風也發花

夜泊燕子磯

危磯突兀鎖江濤一夕離愁動客心蕭寺冷圍三四月鄰舟喧聚各鄉音濛濛水氣籠山淺隱隱

漁燈隔樹深。獨倚蓬窗不成寐。新詩且共老龍吟。

舟夜

殘月漏篷底。江流夜齧沙。櫓聲搖客夢。雞鳴識人家。古戍更都寂。寒宵被自加。好乘春未盡。歸看故園花。

湖上晚歸

絃管聲停鷗鷺閒。夕陽影落樹中間。波寬只剩兩三艇。烟重不分遠近山。客倚垂楊呼晚渡。僧傳清磬出禪關。湧金門外燈初上。小立湖堤待月還。

感懷

嬾從李王問窮通。身世悠悠歎轉蓬。已分折磨成艾實。俗云困折多者如菱角。磨作雞頭見放翁詩。註可能屈曲似屏風。蟬聲不斷垂楊外。宅偏明夕照中。領略此時間。况味閉門且作信天翁。

胭脂井

胭脂井中有雙甕。可憐影一鉤。曳起鴛鴦頸。君王初計非不奇。入井只道無人知。誰知敵來不可避。鳴鳥聲聲奈何帝。美人死。君王降。輕天塹。失長江。腴顏隨入長安道。手把一杯度昏曉。醉魂夢見如花人。依稀猶在井中抱。胭脂井何處尋。雞鳴埭邊秋草陰。我來不羨黃奴拙。只恨當年井不深。

岳祠銅爵歌

忠武王孫珂於嘉泰四年鑄奉祀忠武祭器宋亡悉埋土中明萬厯間始得自諸暨山中歸奉金院坊家廟是爵蓋祭器之一明末又失去今為桐鄉金少權所得將訪珂後而歸之

不能痛飲黃龍府賸有酒澆一坏土當年銅爵至今存直並丹心照千古首山之質精且堅土花漬處痕猶鮮耳旁歎識岳珂造涅背四字中央鑄伊昔思陵忘國恥甘心懷汝長城倚銀瓶女與鐵錐即獄成三字同時死孝宗朝始恤忠魂王爵追風祀典尊高家祈連方改禁四時奠爵有文孫無何南宋金甌缺祭器沈淪爵其一前明訪得供家祠散亡又遇滄桑易金君收弄幾多時神物由來有護持未與銀杯同利化早看鐵像暴奸齒金院待覓王孫遍此爵重教列享獻返璧莫殊趙氏觥明趙文毅公兒能今復歸裔孫家傳家更勝錢王秀吁嗟乎我持銅爵更沈吟千秋俎豆傷王心六陵幾樹冬青在玉椀於今何處尋

花朝後十日就館大峯感舊言情留別同人三首

頻年浪跡寄天涯卻為饑驅又別家路近只違衣帶水行遲待看手栽花剛聯舊雨偏分袂時蘭自都中小秋略載殘書不滿車明發江邊歌折柳東風吹送片帆斜名園曾侍絳紗帷散盡生歸自山左徒剩陸機已歎青琴三載隔隨園先生下世三年矣忍同黃鵠一朝飛纓如可請心猶壯冠未能彈鬢早稀

若遂西湖歸隱計。肯將征纜換漁磯。

細訴離衷漏易殘。小樓微雨杏花寒。友如蘭。異同心少。

衣倩人縫。稱體難。平子愁深吟興在。汪倫。

紫珊情重旅懷寬。卻憐一樣春光好。江北江南兩地

春。

記得

記得臨歧酒半釀。前歡回首悵離羣。解衣香許沾前令。把被宵親覆鄂君。但使人懷真似月。何須有夢定為雲。關心睡起三竿日。若個來書白練裙。

郭頻伽山陰歸權圖

時偕新夫人同歸

越山秀。越水清。誰歟放棹中流行。吳下觥觥郭子橫。三載山陰曾作客。尋山慣著謝公屐。佳山忽遇芒蘿帆。良緣早注鴛鴦牒。玉簫金管移家船。歸期要占梅花先。為詢玉暖香溫夜。知否風餐雪虐天。雪打孤篷。篷背重。布帆衝雲雲不動。畫眉應怯玉纖寒。聯句頻呵彩毫凍。曉發西興驛。夕渡錢塘江。喜字大書三十六。傍船鷗鳥都成雙。卜居近向魏塘住。與卿別有偕隱處。推蓬凝望倚香肩。笑指吳山是歸。

胡心農司馬之官浙中屬題雨窗話別圖

筵開客館夜燈紅。日下驪歌唱未終。試聽西窗蕉葉上。離愁並入雨聲中。記別西湖廿載餘。重尋鴻爪也模糊。昔年公子今官長。為問鶯花認得無。

綠淨園六詠

語香書屋

促坐同心人。清談覺有味。只道口含香。不知是花氣。

神清之洞

但見仙人畫。不見仙人跡。寄聲洞口人。莫帶紅塵入。

小石梁

飛虹跨清池。策杖通幽路。方送閒雲還。又招馴鶴渡。

小滄浪

小憩滄浪亭。一泓水清淺。臨流非羨魚。細數桃花片。

畫意廊

小竹含微風。聲聲戛寒玉。何當抱琴來。一奏瀟湘曲。

九月亭

攀登陟孤亭。團團如月大。待月月未來。流螢上衣坐。

筱雲詩集卷上終

筱雲詩集卷下

錢唐陸應宿崑園

客居雜詠

蕭齋分得數弓寬。硯匣詩瓢手自安。向曉看花宵待月。不曾閒却畫闌干。
尊開北海酒難辭。消盡長檠燭幾枝。幸有自鳴鐘報漏。不然沉醉不知時。

清明日渡江之六合

記得歸裝點雪花。春光正好又離家。出城曉插千門柳。喚渡人停半路車。影入江流孤塔迥。力爭風勢一帆斜。大桃岸上如迎客。幾片紅雲接曙霞。

贈城西茆舍主人謝梅岑

小有天園傍郭西。主人於此築幽棲。閒凭高閣挹山色。夢醒匡牀聞鳥啼。漁唱到門春水長。花枝迎客粉牆低。羊求三徑經過熟。認取垂楊一帶堤。
裙屐招邀舉玉觴。不嫌詞客太清狂。多君能作司花史。此地真為選佛場。夜半歌聲鶯宿鳥。酒闌傑纓出幽廊。留髯更有城頭月。清影遲遲落女牆。
笑我頻從末座趨。玉山頽後倩花扶。姓名幸附題襟集。風月誰描夜讌圖。勝地不知春色去。豪游轉覺旅愁無。問君可許芳鄰結。擬向淞河作釣徒。

書感

天涯猶滯未歸人。逝者如斯客感新。曉枕續成千里夢。晚花留住一分春。明知早定升沈命。羞作無關進退身。膝上素琴聊自鼓。賞音幾個遇風塵。

六合道中見栽秧者

行行十畝間。茅舍半開闔。三五聚栽秧。月斜人影雜。秧歌伊誰編。夫唱妻兒答。中有新嫁娘。山花鬢邊插。兩足白於霜。亦復泥中踏。渾忘力作苦。老幼笑言狎。有客走風塵。驢背行裝壓。家無田負郭。空餘劍在匣。人生不稱意。動覺世途狹。何當負未來。請學為農法。

大風雨中垣字傾漏兀坐成詩

正愁淫雨夕連朝。復聽狂風撼樹梢。漂水本無高鳳麥。捲空却有杜陵茅。心驚環壁頻移榻。計遜樓禽預補巢。向晚略開斜日影。癡雲猶是宿山坳。

小步

小步柴扉外。看雲曳杖遲。雨來蟬忽斷。秋老樹先知。涼意動脩竹。蛩聲依短籬。西風催葉落。惆悵暮山陲。

過隨園有懷簡齋先生

一老須眉杳莫追。秋齋人靜雨淒淒。山中有樹皆親種。架上無書不手批。倚檻鳥窺前度客。尋花詩遇舊時題。天涯更數誰知己。默默臨風首自低。

雜興

山人還山中。仍共白雲住。終輸白雲閒。不出此山去。

濃露滴如雨。野螢移似星。偷銜碧梧子。

蒼鼠竄秋藤。

笑彼向平異。名山游已遲。東門吳最遠。不問滕前兒。

懶窮鄭孔經。愛讀

馬班史。古人一寸心。見此數張紙。

中元後二日小秋歸自山左奉訪高齋清談竟夕時余將赴瓦梁賦此志別

征人聞說返烟蘿。亟訪行蹤近若何。一徑苔痕蟲語細。半窗蕉葉雨聲多。歸舟剛趁秦淮月。游草重添。慙下歌。盼得相逢偏又別。空餘清夢繞江波。

秋日感懷

蒼蘚盈階濕露華。晨興先進一甌茶。嬾如叔夜頭蓬葆。瘦似咎繇面削瓜。掃葉無人烹白石。煉金何處覓丹砂。呼童點綴東籬景。種菊盈須定看花。時余將渡江

空慚齒長詩才退。偏值家貧米價增。軒靜寒砧連暮杵。窗虛涼雨沒秋燈。關心雲外新來鴈。帶得

遠人書未曾。久無謂陽音耗

題畫

披披寒秋舞風枝。綠綠晴波戲鴨兒。記得西溪結漁隱。萬重秋雪放船時。

九日贈梅竹坡

維時秋陰殫晴。寒花媚晚。登山無屐。漉酒有巾。主賓相逐。不覺酣醉。適竹坡以扇索詩。燈下走筆書此。

我身如飄蓬。江南又江北。他鄉倘使無交游。縱逢佳節難為客。客中喜遇梅兄陵。人生最樂為館甥。君為綠淨園費婿裴郎本如鶴。雀瘦穆之底。用檳榔爭酒酣。每使不平氣。肝胆直為相知傾。彈指追陪閱兩載。三生信有前緣在。昔年曾共白門游。此日更蒙青眼待。我慚以弟畜。灌夫君肯忘年交。北海。今夕何夕芳尊前。玉山醉倒吾其仙。無風自落孟嘉帽。短鬢羞插黃花妍。多君伴我夜不眠。劇談剔盡秋燈烟。未免於我愛忘醜。持扇索題詩一首。欲謝不可聊放歌。積雨初收月窺牖。歌成屬爾歸謀酒。明日登高補重九。

秋雲

誰從天際織羅紋。秋士看雲獨倚門。高傍星河繞有影。低鋪潭水忽無痕。領頭冷壓歸樵擔。烟外寒依落葉帆。好是西風吹不散。慣扶涼月上黃昏。

送沈東橋之泰安

白頭還戴遠游冠。千里探奇興未闌。芳草齊腰擱去馬。名山到眼快加餐。詩題歷下追陳迹。夢慰

池塘噴舊歡。君曾任令叔椒園廉吏幕中令又赴令況有招攜禽子夏。風花一路好同看。時與真來同行

金粉閒尋六代秋。三年吟屐此公留。隨園共下陳蕃榻。雲水曾聯郭泰舟。未之春奉訪于竹那

得為雲逐東野。從今無客話南樓。驪歌唱罷斜陽落。山色溪聲惹別愁。

題王芳谷仿古畫冊

拈毫偶寫華亭派。家法由來接輞川。無數峯巒插天際。不知是墨是雲烟。
山泉脉脉細通溪。
溪上軒窗傍水低。想是幽人出山去。匡牀借與白雲棲。

夏夜六合道中

拂面晚風清。肩輿緩赴程。客燈驚犬吠。山月逐人行。小憩敲郵店。迎涼坐豆棚。但聞蟲唧唧。一路不知更。

獨坐感懷

親朋異地疎芳訊。祭掃頻年缺故鄉。身似飄蓬心似絮。每於兀坐怕思量。

吟罷

吟罷南華卷。披襟看米連。晚風微透葛。斜日亂鳴蟬。白鳥水邊沒。青山雲外連。人家在何處。隔樹起炊烟。

夏夜

移榻向階坐。流螢時點衣。風停千樹靜。天濶一星飛。待月燈遲上。垂簾燕早歸。夜深貪爽句。忘却掩山扉。

摘書行

我生不能螭頭章。制明光宮。又不能石勒燕然善戰功。蠖屈泥塗馬伏櫪。得毋孤負一枝筆。悠悠忽忽消居諸。悔不十年前讀書。其如購置苦無力。每經坊肆空踟躕。有時向人借一紙。縱能久假終須歸。况復師丹病健忘。但一掩卷都茫茫。笑謂管城公。無如摘書好。最哉爾佐余。厥用亦非小。管城公。聞余言。願聽使令。脫幘來前。但得朝朝餐墨水。勝與肉食人周旋。君不見沈麟士。垂老書鈔八千紙。又不見柳仲郢。在官一再鈔經史。我輸古人全豹窺。取狐一腋而已矣。短檠邊。明窗下。握素披黃不停寫。偶獲片羽珍。餘翠姑從捨。精選照乘光。莫貪珠滿把。掀翻真使蠹魚愁。寒暑何曾他手假。旁人見者都軒渠。道爾頗似愚公愚。有腹不知貯羣口。有籍不及追亡書。但學鈔屑伸紙。覓生活。敝帚之享何為乎。我云結習耽文字。明知不足傳好事。或可當筵助麈談。聊備臨文供。懶祭閒居無。僅一展觀。如厯舊游。逢夙契。零星弄置巾箱中。冠以歌行當作記。吁嗟乎。年來插筆游天涯。安得盡遇藏書家。

冬夜感懷

殘年倍覺惜分陰。閒對寒檠自苦吟。到老書無讀盡日。將衰詩有想傳心。夜長懶僕常先睡。客去深杯倦獨斟。寄語家人歸未得。相如囊少賣文金。

壬戌除夕

從來除夕未離家，漫蓬飄天一涯。閏月春遲旬日到，明年閏二月編年詩又百篇加。椒盤待奏長生

曲，歲朝五日為居停堂慶柏葉先傾四照花。坐有女為語主賓須盡醉，幾人如此度韶華。

抵家過隨園作

恰與名園結比鄰，到門桃柳一番新。頻年作客拋春色，此日逢花似故人。小閣哦詩曾下榻，空堂懷舊欲沾巾。異書又得閒來讀，手拂曹倉架上塵。

晤汪海樹

秣陵山色舊曾看，搔檝江城復駐鞍。梅福未嫌仙尉小，毛生為博老親歡。哦松句好知無匹，斷鴈行聯勝得官。君女弟為隨園子婦，而令弟聲玉亦游金陵。一笑相逢花市上，君寓城南花市儒冠忽換竹皮冠。

寄紫珊

遙稔雙旌達帝都，豐臺紅藥正紛敷。日邊定識諸名士，江上應懷舊酒徒。曾否鳴珂朝北闕，可能捧檄到西湖。君例得銓近省，浙江其一也。風花一路知看遍，燕趙佳人似昔無。

春晚雜詠

山裏桃花豔似霞，到開時節客離家。春風忽送歸來櫂，一笑今年不負花。雨餘一徑綠陰深，

柳外春禽弄好音。客歎柴扉常不值，却從花裏逐追尋。野塘蛙鼓隔花聽，燈背虛窗月半扃。

一片黑雲將雨過，月華依舊滿中庭。閒塔檢點亂紅飛，珍重今朝送落暉。忽酒杯在，要點雨

教人知道是春歸是日

曉起凭欄惜景光。綠陰如幄晝初長。昨宵已送春歸去。不解楊花為

底忙。

題小秋詩稿

東山兩度整鞭絲。沆取清泉筆一枝。奇絕侯門此游客。不聞彈鋏但敲詩。一幅新詩和感春。

憐才紅粉出風塵。何當買取絲千縷。不繡平原繡美人。謂繡春校書

追悼姨弟周愚谷壽

昔我依外家。見君猶襁褓。其時我從母。歸寧堂上老。君兄亦垂髮。牀前蠟鳳巧。無何君弟生。玉樹三株皎。自我居金陵。廿年積懷抱。偶返武林城。楔湖特迂道。伯歌而季舞。留我榻先掃。子女已成行。無怪我衰早。當日兒嬉事。重提堪絕倒。更番治盤飧。食單費搜討。平原十日飲。清興猶嫌少。君尤喜吟詩。瞻馬頭屢掉。君視一編出示余。愛君富文藻。論詩有同心。語必性靈造。並識諸詩人。煩君作介紹。把袂即題襟。風華集庾鮑。新詩催我成。和章復我騁。纔思三舍避。又出一軍挑。金壺墨已乾。銅鉢聲未了。此會非偶然。歸帆歲將杪。悵分萍水踪。徒印雪鴻爪。君亦為飢驅。擔簦去燕趙。從此隔南北。雙魚芳訊杳。知君痛鴛原。期君善自保。君况春忽接。君弟書憂心。愁如擣。聞君違疾歸膏肓。二豎擾本非騰口人。轉類反舌鳥。君得疾。繼且凶問來。首即竟早夭。關河路阻長。無由臨宅兆。至今閱三霜。墓門多宿草。江東陸士衡。傷逝迴腸繞。歷歷記前游。恍如指掌瞻。生則共

芳尊死未奠清醑。不知楹下書。遺孤可通曉。握管摠悲懷。風逼燈光小。昨閱采風編。君詩附梨

棗。阮中丞兩浙轉軒錄采刻君詩又聞君大阮。望山水部已為輯遺稿。曾否開雕成。免供蠹蟬飽。遇雖屈劉蕢。名或傳

賈島九原若有知。一笑凌雲表。

雨過

雨過蒼烟著樹深。綠陰濃欲上衣襟。溪邊偶看人垂釣。也動區區得失心。

晚霽溪上偶成

欲晴未放晴。斜景淡將夕。攜筇信所之。芒屨印苔濕。傍岸小舟橫。隔溪暗泉入。颯然時一聲。風枝

墮殘滴。

鄴樓研邨昆季招游秦淮至莫愁湖納涼回舟夜泛詩以紀事

乍霽午風清。微陰暑氣薄。欣茲秦淮游。言踐汪倫約。是時新漲生。一望水平閣。人雖坐蘭橈。手可

搴珠箔。深巷問烏衣。長橋度朱雀。追涼莫愁湖。步出水西郭。路止半里遙。天真一方各。古佛瘠如

柴。野僧傲於鶴。高樓俯晴波。隔江列羣壑。魚依蓮葉戲。帆從樹杪落。美人冷金粉。英風歇褒鄂。中山王

莫動懷古愁。且尋我輩樂。臨水快披襟。看山閒趺脚。流連不忍去。幾忘巖城鑰。重放青溪船。姑舍

白雲橋。簫聲出河亭。人影映簾幕。花助晚妝妍。柳學纖腰弱。賢主並二難。芳醪傾上若。船尾千燈

燃。波心雙鷺掠。醉後扣舷歌。歸來傍橋泊。亂鳴兩岸蟲。初起一街柝。夜窗對短檠。即事新詩作。

讀孫蓮水春雨樓集感舊抒情漫題長律得二十四韻

昔侍袁臨汝

隨國先生

欣逢孫子荆。元亭初問字。白下早蜚聲。麗句傳春雨。真詩道至情。結以春雨詩為先生所賞

其數

立陪深砌雪。醉共後堂醒。相賞風塵外。無慚月旦評。授經私孟喜。薦士重禰衡。一夕辭家

去。頻年杖策行。洲邊弔鷓鴣。海上狎長鯨。回識匡廬秀。心怡越水清。推蓬宵看月。攬轡曉聞鶯。藝苑題襟遍。諸侯倒屣迎。蓮開王儉幕。酒泛景山鎗。車丸來誠樂。崔棣到盡驚。才原高八斗。名豈換三旌。近作瞻園客。重尋舊雨盟。琳琅看積卷。鸞鳳聽高鳴。細織雲霞錦。嚴操紀律兵。非秋垂筆露。久鍊得金精。眼界游方濶。波瀾老自成。獨憐詩弟子。何處質先生。落日黃墟杳。西風魯殿傾。各銜思鄭重。相對淚縱橫。捧席忠前度。知音隔九京。期君守衣鉢。傳此一燈明。

讀十國春秋

片片裂山河。人人效尉佗。半由屠販起。殊覺帝王多。屢換殘棋局。爭揮落日戈。生才真可惜。奈遇偽朝何。

七夕後一日晚眺偶成

銀河低欲傍簷流。依舊今宵別女牛。雲過黑沈前浦雨。風生涼入一襟秋。疎林燈影僧歸寺。隔院砧聲客倚樓。明月天邊從此好。與誰載酒作清遊。

秋夜即事

鐘鼓初聞遠寺更。早呼奴子閉柴荆。星河近月淡無影。木葉迎風乾有聲。病骨畏涼捐竹簟。藥銚偶破借茶鑪。生憎四壁秋蟲語。為底閒愁訴不清。

山居漫興

山受清涼此結廬。半年歸客賦閒居。破瓶泄水權收藥。空篋無衣却貯書。貪寫新詩忘盥櫛。懶尋要路謁軒車。偶來溪上乘幽興。借得綸竿學釣魚。

不信

不信謀生筆可耕。年來誰識倦游情。見書似酒心常醉。涉世如棋局屢更。燕市豈無求駿價。葉公徒有好龍名。眼前且領蕭閒趣。卧聽山窗落葉聲。

故人

雨後苔痕綠上堦。雙扉只為看山開。故人知我慵酬答。遠不通書近不來。

中秋夜作

中秋月影倍團圓。人靜空堦獨倚闌。明歲知為何處客。今宵難得在家看。恍聞清露滴銀漢。盡掃浮雲走玉盤。如此風光不忍拋。撇新詩吟到漏聲殘。

秋晚過隨園水西亭小憩

向晚窺園客到稀。花陰沈坐當雷晷。芙蓉秋老留紅豔。楊柳風疏見翠微。日映澄潭魚可數。人呼

遙岸鴨知歸。山居幸喜芳鄰結。避俗時來一息機。

夜坐

小窗燈影照書低。露冷空階絡緯啼。却見天河一痕水。無風流過斗杓西。

風粟

生來性愛北風涼。貯向玲瓏小竹筐。簷際高懸防鼠竊。燈前閒剝與兒嘗。耐人咀味甘非俗。滿腹精神瘦不妨。也算三冬謀旨蓄。堆盤不數蜜橙黃。

曉起

曉起微聞隔宿香。讀殘書尚亂堆牀。捲簾衣袂忽生翠。鄰竹一竿高過牆。

出儀鳳門道中口占

重九前一日

行李蕭條不滿車。却勞關吏漫稽查。荒菴佛朽斜依壁。曉店人喧聚飲茶。沿路有山應識我。明朝插菊又離家。羨他茅舍多幽趣。開遍一籬扁豆花。

九日綠淨園作時紫珊歸自都中將赴補大梁

恰喜歸旌到瓦梁。嘉辰握手正重陽。如君合有彈冠慶。笑我依然落帽狂。東閣開尊招舊雨。秋芙蓉水炫新妝。當官幸緩毛生檄。衣錦還娛愛日長。

梅花看過便呼驕。一路春光擁馬頭。

明春假滿

啓行卷詩增河嶽氣。起家官領帝王州。召公棠蔭留先澤。羊祜金鏤記昔游。

君生于尊人杞縣官署

梁苑正

須詞賦手，不徒為政說風流。

答鄴樓重九前一日過訪不值寄懷之作

落葉走廊風作語，欲晴未晴逗秋雨。客窗孤坐夜不眠，挑燈苦憶舊游侶。舊游遠在江之南，情深尤數桃花潭。得書未啟認題字，雙魚知是汪倫緘。書裏相思言不足，書外又加詩一幅。感君深意何纏綿，十二時中幾回讀。知曾相訪籬落間，笑我不如閒雲閒。侵晨業已出山去，離心直與江帆懸。明日客中過重九，無緣共醉茱萸酒。登高望見江南山，如何不見山中友。我本耽閒養病身，只應縮屋稱山人。飢來驅我不能止，明年將復遊夷門。不愁行路難，祇愁故人隔。記取寒梅破臘時，待我蔚園來話別。還邀嚴助小秋與哀絲蘭軒一醉倉山千樹雪。

碧梧山館圖為紫珊題

屋陰樓鸞樹，人聽引鳳簫。涼雲垂午晝，清露滴秋宵。澗映蒼苔色，寒森碧玉條。輕花吹絮落，幽韻帶風飄。坐得詩題葉，看移月上梢。只應集鴛鴦，偏許託鷦鷯。我下園林榻，君塞壇坫標。來禽知擇木，適館比遷喬。曲檻燈明夜，疎簾雨霽朝。尊常傾孔座，句或貯唐瓢。擊劍驚飛電，投壺競鬪驍。琴傳三疊妙，妓選十眉嬌。陸羽茶經熟，虞仲食譜調。柯煩元鎮洗，圖情愷之描。勝地逢歡燕，羈人破寂寥。忻看鴻翮振，忽應鶴書招。名到燕臺重，旌麾洛下遙。名材原作貢，朽木漫加雕。明春赴補中州約余同行稚齒曾駮篠，甘棠定蔽霄。尊人曾宰杞縣雪泥尋履歷，車乘去翹翹。所望川資穩，還須夢悟禱。占方朱紱

至盟早白鷗要阿閣巢仍在龍門幹未凋他年賦歸隱重理舊山椒

靈巖石子歌為達君作

靈巖石子重璠璣達氏所藏推里閭我來崇邑苦索居聞之欣然誦印瓊特訪石友忙曳裾知否肯容一見歟主人亦復興不孤開清祕閣命奚奴練箱錦匣斐几鋪囊囊取貯白雪盃浴以清泉光華舒其時恍坐瀛海隅蛟蜃之氣生徐徐目迷五色神為娛象形肖物畫不殊雜卦一傳未盡書為龍為馬為禽魚為邱為壑為林蔕為滌為行為菰蒲仙真樓閣幽人盧樵人衲子耕田夫怪哉種種色相俱愛玩不覺日已晡據案還請觀須臾相傳此石古所無前明米令來飛鳧偶一拾取方驚吁從此搜羅退食初山不受寶多委輸歸裝猶壓廉吏車數百年來好事徒深崖幽磻爭爬梳誰知靈氣收扶輿市中頑石欺賈胡君家珍藏五代餘當時選石如選珠滄桑幾易歲月但子孫世世且寶諸我非江海筆早枯承命作歌顏汗濡愧無文采石不如

客贈礪磯石暖硯詩以謝之

臨池冬月薑芽斂筆不生花花結硯今朝免我呵凍書損惠海山雲一片良工巧琢輕冰同煎錫為匣空其中蒸以溫泉爨以炭須臾雲氣升蓬蓬石鄉侯特賜湯沐即墨城偏利火攻揮毫染翰不龜手但覺陽春生座右迺知剛介濟和藹始得歲寒稱石友感君贈硯如贈田勗我力田期逢年年來到處因人熱頭腦冬烘殊自憐

元夕感賦時有洛下之行

撫節偏增感。還家非故鄉。乍聯親戚話。待舉別離觴。地僻無燈火。雲深暗月光。劇憐此良夜。卧聽雨淋浪。

對雪

飛雪連三日。銀光照眼明。乾坤成一色。雞犬寂無聲。花盡開瓊樹。人疑住玉京。東皇鑿白戰。亂點鸛鵝兵。

將之大梁留別金陵故人

一夕驪歌唱白門。幾番春夢過輕雲。游山放膽同禽向。謂子山把酒論心戀紀羣。詞賦敢夸梁苑客。賢豪或遇信陵君。六朝金粉西湖月。從此離愁兩處分。頗愛蒼山小住幽。無端此去欲何求。天涯傳信憑黃耳。客思催人變白頭。車馬初諳長路味。琴書權付老妻收。相期只作經年別。待我清溪放釣舟。

江口曉發至真州是日立夏

夜盡荒江斷戍更。好風吹送片帆輕。潮聲打枕夢初醒。水影上窗天乍晴。難把風花留客路。忽教櫻筍觸鄉情。去年曾送行人處。依舊垂楊嚶曉鶯。

邗江舟次遇蘭邨出都即事感賦

風吹萍跡遇江津。話到滄桑淚滿巾。捧檄原為將母計。歸家不見倚閭人。歧途一面緣非偶。游草
千言筆有神。見示負米
漫道機雲今入洛。客心早已悔風塵。

邵伯道中

一路河流水漸黃。東風不放柳條長。楊柳無
跪地者岸邊邨媪晚呼渡。茅店一帘誇酒香。

夜泊聞雨

永夜不成寐。逢背雨聲苦。淒斷戍樓更。微聞鄰舫語。中州行未半。故山渺何許。夢醒舟忽移。帶濕
挂帆去。

望高郵湖

一路推篷處。沿洄千頃湖。天光連水淡。帆影入烟無。遠樹團孤渚。春波健白鳧。夕陽挂漁網。小艇
隱菰蒲。

舟中雜興

初夏涼秋似。黃昏半臂加。風生舵牙語。水鬪岸脣沙。地僻堪搜句。舟寬當住家。中宵鄉夢穩。渾忘
是天涯。

淮陰懷古

故里封侯衣錦還。王孫氣概萬人看。貴時報德千金易。賤日謀生一飯難。國士終遭烹狗計。將星

已落釣魚灘。祠邊有個維舟客。也為飢驅淚欲彈。

守閘

黃河天上來。奔流如激箭。天庾重輓輸。板牯沿河建。東水水益怒。每與舟為難。奪隘亂篙爭。扼要長繩挽。轉輪蟻緣磨。曳纜魚入貫。鼓勇鳴鉦喧。齊聲邪許喚。纔教一閘過。又遇一閘限。前船頭未開。後船手姑斂。恨難斬關行。一借乘槎便。曾無百里遙。已作三日淹。叶長年枕舵眠。鄉語各舟換。寒雨夏衣裘。朔風沙入飯。游客如處女。終朝但垂幔。從來利達人。都由耐性慣。我本山中居。猿鳥樂蕭散。如何逐牛後。亦復苦羈絆。人間行路難。搔首發三歎。

晚泊

推蓬難遣客中愁。輸與漁家得自由。翁媪臨流牽網罷。呼兒晚飯坐船頭。

任城旅舍

匝月篷窗狎水天。又尋逆旅挂征鞭。驢鳴似喜歸槽後。帘影猶飄落照邊。客路舟車傷老大。鄉園風月極纏綿。家人夢我迷行店。定費街頭買卜錢。

旅夜

鄉心猶繫大江東。燈照離愁影不紅。記取懷人孤枕夜。任城旅館雨聲中。

喜謁玉堦舅氏即事賦呈兼以志別

記送渭陽時。迄今廿年矣。偶停涕上駮。逢人訪居址。昨始到舅家。侵曉雙扉啟。見甥初不識。問客何姓氏。執手徐推詳。貌改聲音是一笑。淚隨流。語苦顏則喜。重披林下風。樞衣拜衿母。兩弟頽然長。長者新娶婦。小妹別後生。許嫁任箕帚。無怪我早衰。朱顏變老醜。共話故鄉事。滄桑回首。言之傷人心。且盡樽中酒。纔唱相逢行。輪蹄又催客。珍重此時情。一面千金值。青齊距大梁。路僅數程隔。定蒙天假緣。承顏正有日。祇愁再見時。星鬢鬢添白。人生無百年。那堪幾回別。欲慰長相思。勉旃慎眠食。

汴梁雜詠

錦帳燈搖羅袖紅。兵符夜半竊深宮。當年救趙諸豪俠。合讓如姬第一功。黃袍一領忽加身。兵擁陳橋帝業新。知否汴河原是帶。莫嫌拱手獻金人。寓館樓遲病客身。相如業已倦風塵。眼前即是盧生夢。何必邯鄲到後人。誰是鄒枚作賦才。西風寥落孝王臺。但看烏帽黃塵染。那見天街軟繡來。

感興

曉起涼風透薄羅。蕭齊岑寂雨初過。官無公事實。朋少時子山尚人到中原感慨多。面壁似僧脩苦行。觀書當藥養微疴。夜來辛苦還鄉夢。直渡長江與汴河。

汴中苦熱

有客游大梁。盛暑逢六月。蕭齋只三椽。拘若禪處。蟲愁無七井開。恍有千鐘列。折荆體難敵。揮扇腕欲脫。心思瓜。鎮腹將棋局。熨縱求飛霜丹。莫教夸父渴。想因地勢高。遂覺天宇過。以故遇三庚。居人苦伊鬱。不然炎官張。作意烝傲骨。吝惜好清風。不肯一披拂。料非徐常侍。真有帶來熱。炎官嘿無言。請對以臆說。聞子寓江南。結廬頗幽絕。深山紅日遮。脩竹綠陰密。見客頭懶冠。采蓮脚不襪。貧可業樵漁。飢可餐薇蕨。無端慕蠅營。不自養鳩拙。濫吹東郭筭。未工子雲札。坐享雞鶩餘。寧慮車魚缺。不見熱中人。朝朝事迎謁。汗如周勃流。腰每陶潛折。同染京洛塵。彼勞子則逸。何為昧知足。而怨天尤物。况余當令時。厥道利用竭。何心變涼燠。誰憎復誰悅。冥冥若命子。憮然乃自失。頓覺躁心平。行將歸計決。吟詩志吾過。蟬聲答林樾。

朱仙鎮

屢報將軍捷。惟聞丞相嗔。金牌催卷甲。黔首盡沾巾。痛飲期難踐。精忠志未伸。不堪憑弔處。遺鏃已成塵。

寄懷松巢舅氏

廿載分攜見面遲。別來苦費渭陽思。河干書被洪喬誤。信來知前善未至旅館秋生宋玉悲。千里飄蓬垂老日。一堂分果憶兒時。幼時與舅氏同卧起臨風惟祝加餐飯。莫遣新霜點鬢絲。寓公涕上結幽棲。花木扶疎壓戶低。已喜編詩傳驥子。何妨偕隱伴鴻妻。天涯後會期難定。夢裏重來路不迷。最是關

心向東望雲山約略認青齊。

游相國寺同瀛舫作

游伴相攜尚有君。偶來初地避炎氛。兩行庭柏涼交翠。幾杵樓鐘響入雲。一樣輪迴僧不免。時有僧圖

寂於院中者

千般時事佛無聞。旁人應笑儒酸甚。細向殘碑別薛文。

張烈婦歌

天地有正氣。秉之為完人。卓彼蓬門婦。正氣能獨伸。婦適張家產自李。纔踰二十芳年紀。夫出傭工遠不歸。夫兄夫嫂同居址。誰知嫂也潛有私。族中強近無嫌疑。笑殺盜鈴常掩耳。婦不明言心暗知。憑他柳絮風前亂。但把霜筠節自持。彼狡童兮心叵測。深嫉婦賢貪婦色。屢用言詞戲作挑。旋鳴親串嚴為絕。狡童雖絕心豈甘。潛踪往往來窺探。一夕闖門入婦室。早自防閑燈未滅。聞聲驚欲起。賊已登牀矣。口為賊掩難高呼。力拒賊身毋近體。賊計無所施。殺機生俄頃。瞥見牀頭尺帛影。可憐平日用纏腰。詎意今宵為縶頸。只求速死肯求生。願以潔身歸九京。天明賊去鄰里集。猶似抵賊空拳撐。妙蓮縱姜泥難染。皎雪雖消質自清。采風有客游中州。志節偏欽一女流。藁街定戮凶徒首。汴水寧滯邱嫂羞。吁嗟乎。金可磨。石可泐。惟有貞心堅似鐵。行看綽楔請旌題。唐

縣烈婦張架妻

驚老

五旬屈指欠三霜。漸漸驚添老景光。昏眼忽明離物遠。殘牙將墮出脣長。腰圍沈約頻量減。事記師丹旋韙即忘。差喜拈毫索吟句。精神猶未覺顏唐。

秋日偶成

天涯秋過半。瘦骨早知涼。風入破窗語。沙迷落日光。賤貧安我拙。名利看人忙。把卷小眠去。古賢同一牀。

將與子山南旋偶成一律

檐帷纔駐大梁城。又向西風襍被行。長路半年來往熟。殘書幾卷取攜輕。情深尚戀桃花水。客去姑留洛下名。聽說還家心轉急。未登程已算登程。

發大梁別送者作

笑整歸鞭矣。偏生送者愁。車中一回首。相望隔城頭。野卷驚沙語。風鳴落葉秋。夷門今夜月。莫照客登樓。

曉行

帶魚辭荒店。登車客夢遙。霜濃驟背濕。野曠鐸聲驕。古道卧人影。疎星生樹梢。歸程餘幾驛。曉發又今朝。

入江南境

蓬窗早晚數郵籤。却隔長河望遠嵐。漸覺歸途風色好。界牌題字見江南。

虹橋紀游

掠波小艇疾於梭。有客虹橋載酒過。但問園林都冠姓。却看臺榭只臨河。花開月館秋容淡。水漲雷塘鴈影多。晚向平山堂下泊。愛他金翠畫烟羅。

題禹旭亭石城返棹圖

為送淮陰客。驪歌唱石城。山光壓船重。帆影入雲輕。歸思寒潮迫。吟懷夕照生。我來君適去。讀畫不勝情。

車秋舸舊雨軒圖

小築幽居廉讓間。琴歌酒賦此盤桓。春風一夕生離恨。舊雨何年覓墜歡。別後好花開寂寞。時憑脩竹報平安。天涯我亦飢驅慣。眼對青山欲住難。

到杭州作

重問西泠渡。迢迢今幾春。宴游如隔世。親友半陳人。那得買山隱。終緣為客貧。西州門在望。不覺淚沾巾。

題錢謝菴吏部齋心草堂讀書圖遺照

忽聽山陽笛。風前感不支。泥方憶雲日。蘭竟隕霜時。共下隨園榻。聯吟六代詩。追歡多少事。衣上

酒痕知。幽絕草堂居。琳瑯滿架書。官初登六品。學尚習三餘。可奈歸泉壤。無緣校石渠。吟聲猶隱約。讀畫欲欷歔。

捧月樓
詞選

上海文明
書局藏版

捧月樓詞卷一

錢塘袁通蘭軒

菩薩蠻

晚風吹入紗窗冷。小樓一粟寒燈影。不是舊歡場。花開也不雙。秋心誰共說。只有如鈞月。不伴人愁。三更先下樓。

南鄉子

雨窗感舊

疏雨滴蕉心。蕭瑟中宵斷續聲。薄醉未成燈欲燼。零丁涼擁桃笙。獨自聽。香夢香難尋。影事低迷記未真。一種纏綿忘不得。零星繞著思量已斷魂。

生查子

烟薄雨初收。風捲雲猶濕。花落貼春泥。燕嘴銜無力。暗消凝。何處說閒把闌干拍。新柳似蛾眉。一樣傷心碧。

欄干萬里心

風簾不捲晚樓臺。十二疏窗壓水開。短夢初醒燕未回。有誰來。芳草如烟綠上階。

百字令

將自都門還秣陵留別張船山問陶吳山尊蘇兩翰林戴金溪敦元刑部王劍潭端光助教趙味辛

懷玉邵良民蘇淇兩舍人尤二娛維熊張子曰若采雨大令

驪歌滿耳。是勾人舊恨。別他今雨。一帶春明門外柳。從不繫人車住。河轉葉乾霜林夾道。都化相思樹。數聲班馬。征夫最斷魂處。縱說紅玉消寒。青山迎客。漸近江南路。爭奈一番離別後。總覺平添愁緒。祖席初闌。觴殘回望。鄉思攬如絮。不知今夜夢魂何處先去。

浣溪紗

未省輕寒到被池。此情難忘在家時。被人常笑起來遲。今夜聞雞還倚枕。者般况味莫教知。一鐙相伴自尋思。

浪淘沙

題汪秋圃世球宜臺圖追憶昔遊即以誌別

秉燭記前遊。曾此勾留者番寒。舊盟鷗鷺有美人。題字在牆角銀鈎。畫得水邊樓。如許清秋。來朝展卷定生愁。一角布帆搖曳處。是我歸舟。

唱火令

好在鴛鴦牒。飄零桃李年。知他離恨幾重天。驚破遊仙好夢。辛苦未曾圓。難覓珠成斛。還愁玉化烟。枕把花下小橋邊。記得樓頭。記得挂疎簾。記得捲簾人說。早買五湖船。

綺羅香

墜歡如夢香不可尋作南園春影圖

香夢勾人。胡麻飯客。想不分明前度。無主桃花。因甚亂飛如雨。便堤楊癡縮春來。恐梁燕已知人去。問亭亭倩女魂歸。啼痕窗上解尋否。闌干曾記共倚。一度摩娑欲遍。一番酸楚。縱有春山。爭似箇人眉嫵。說來遲綠。易成陰。試覓取綠陰何處。一聲聲。淒入東風。隔林啼杜宇。

菩薩蠻

藍橋曾許裴航到。雲翹私語雲英笑。法曲演霓裳。羅衣窄地長。重尋歡喜海。玉女窺窗再。一樣髮梳蟬。別時披兩肩。

冰紋鬲子房權淺。衫痕鬢影依稀見。隔得似天涯。一重方空紗。殘釭挑欲滅。小語吹蘭息。不怕夜寒深。剪刀時一聲。

低鬟略道勝常罷。移牀坐近娘肩下。笑與說排行。鯉魚紅六雙。綵絨閒自理。碧綠青紅麗。命薄小桃花。恁生偏繡他。

謝庭小宴花時節。合歡檀几圓於月。一笑眼波流。坐來剛兩頭。蘭姨智瓊姊。冷眼難回避。特地酒親斟。到儂偏十分。

雲雷文細玲瓏甚。并刀教縷連環印。一霎臉霞生。被人知小名。定磁圓盒子。中貯銀泥紫。寫就

十三行替他鈐上方

都蘭答刺花奴鼓折花筵上傳將去欲接故遲遲鼓聲如雨時觸飛何太急漸漸潮頰暈得可憐生一層紅一層

金縷曲

郭頻伽春生朱鐵門春生遊西湖諸山行倦思飲以姓名帖子質酒家孟湘湄為作寒壚買

醉圖索題

畫出狂奴態是當年西京遊俠朱家郭解誰記高陽酒徒事喜有當壚人在口行處又添新債三寸紅箋題姓氏賦長門取酒黃金代增小景入圖繪兩年三度征帆挂笑吳儂饑驅未定故山難買何日方成卜鄰約隨意數椽屋矮更自斛金陵酒載重寫寒林兼遠岫添一眉月挂寒林外來照我那時醉

浪淘沙

客瓦梁不寐作

回首小長干花未開殘別原無奈見應難賸遺夢魂尋覓去夢又闌珊蠟淚夜深彈倚遍屏山宵深先怯被池單不是客中渾不覺如此春寒

風蝶令

過揚州偶紀

香未沾荀令。舟曾歎鄂君。相思如夢夢如塵。偏是二分月照十分人。萍梗恩恩轉秋心。黯黯生天。涯何處證蘭因。只恐暮潮平後恨難平。

洞仙歌

賦贈疎香女子同頻伽作

娟娟此秀。正春情初逗。骨比香桃十分瘦。慣偷窺戲蝶。凝作飛花。嬌憨甚。略解閒愁時候。幾回羞暈頰。多事蘭姨。畫得鴛鴦情似繡。問取比有人。除却玉昌恐不合。此生消受。只一笑當筵。眼波流怪。屏外春山。總輸明秀。

附前調

郭麐頻伽

題錢叔美為疎香女子畫梅用蘭邨韻

東風著力。恰雪痕微逗。略解春情便應瘦。似那回曾見。隔窗窺紗。修竹裏。翠袖暮寒時候。江南二三月。艷紫妖紅。兒女十枝五枝繡。誰得比孤清。一斛珠量。除聘取海棠消受。擬待到昏黃月微明。倩玉笛橫吹看珠簾秀。

高陽臺

頻伽將返魏塘時疎香女子亦以次日歸吳下置酒話別離懷惘惘頻伽即席成詞因次其

韻

月轉魚尾露涼爲覺。西風新到江城。別恁匆匆。管絃忽變秋聲。暫時圍得紅窗影。夢如烟不近桃
笙。看離情較雪爭寒。比絮嫌輕。可憐還有將歸燕。怪無端津鼓苦促君行。爭不同舟伴他情
影。亭。雲搖雨散垂垂別。只幾番老了啼鶯。算歸程。風要先聽。雨要先聽。

附前調

郭麐

原作

暗水通潮。癡嵐閣雨。微陰不散重城。留得枯荷。奈他先作秋聲。清歌欲遏行雲住。露春纖並
坐調笙。首多情。第一難忘。席上輕輕。天涯我是飄零慣。恁飛花無定。相送人行。見說蘭舟。明
朝也泊長亭。門前記取垂楊樹。只藏他三兩秋鶯。一程程。愁水愁風。不要人聽。

五絲結同心

玉山舟子遇孫子滿原湘自虞山來即偕徐懶雲雲路登文筆峰尋玉山草堂遺趾倚此題

壁用陳草吳基韻

風吹萍聚。檣送人來。分明雁集平沙。攜羊着山去。危坡滑行處。香踏松花。新霜紅染楓林嫩。春猶
小。管未吹葭。僧寮近禪參苦。口待他掃葉煎茶。玉山草堂何處。說風廊水檻。占斷烟霞。彈指成
陳跡。曾親見。翰與怪石磋砑。拈毫欲寫登臨感。對文筆書愧秋地。斜陽裏。渾忘此今日。身各在天

涯

行香子

上海道中候潮

算定歸程。嫩約分明。挂輕帆、江渡春申。怪伊雙葉偏泥人行。要等潮來。等潮去。等潮平。酒也慵斟。夢也難尋。照相思、一點秋燈。擁衾沈坐。誰伴深更。有雨蕭蕭。風瑟瑟。雁聲聲。

醉太平

石門舟次見新月

窺人似羞。背人似愁。要人眉樣重修。露鬢鬢一鉤。秋蛩怨秋。蕭郎遠遊。有人今夜紅樓。唱纖纖雨頭。

金縷曲

題朱荔生文琥醉圍紅袖圖

何福能消此擁春人。朝紅笑絲碧桃花底。誰畫烏絲誰捧硯。累爾魂消些子。只小宋忍寒相似。賸恐羅鬟生性急。把瓊蕭暗指。搯尋宮徵。吟米穩。冷纖指。年時槩打橫塘水。記一簾微歌喚酒。花天月地。裙帶領中書欲遍。團扇又催題字。也曾在遊仙夢裏。今日披圖添悵惘。悔當時。不買生綃。繪。彈指過十年事。

買坡塘

題頻伽山陰歸權圖

買吳艸載將西子。雙雙出鑑湖去。多情只有寒江水。照見神仙伴侶。飄挂處。趁幾陣東風別却山。無數蓬窗漫撫。綠鬢雲鬟。臨波疊影如投浣紗女。家園近。指點林巒半露翠。痕來鬪眉嫵。柴門曲曲烟波好。一帶水楊柳樹。聽客語說着。遍歸舟風味都輸汝。解裝且住。問數點輸茶。聯吟翠錦。償得浪遊否。

醉太平

玉華樓夜起看月

波如鏡平。月如鏡明。不知蕩影湖心。是一層兩層。綠絲柳青。濛濛霧昏。那邊紅出漁燈。亂長天曉星。

摸魚兒

倉山之麓有樓一楹。丹堊不施。桐柳交蔭。額曰秋夢余所憩也。曾寫作圖。攜置行篋。舟次展玩。愴然增飄泊之感。倚此題之。

者烟戀。分明認得。吳懷生小曾住。紅樓半掩。秋蕭瑟。涼夢欲沈。宵霧窗。啟處陸陸幾片。桐陰愁綠。簾旌聚。玲瓏月午。更帳下青綃。枕橫紅玉。來聽亂蟲語。生涯誤。誰念小人有母。饑來驅我何苦。他

雁亦有秋堪聽。歷亂每驚津鼓。江上橫。問趁此霜潮解。送離魂。舌欲重。畫取添千點。寒蘆一繩斷。雁人卧杞樓雨。

附前調

郭麐

信宿隨園頗極文譙之樂。將歸之夕。蘭邨以秋夢樓圖索題。黯然賦此。

小紅樓居然百尺。文窗了鳥深閑。豈知中有悲秋客。夢與碧雲無際。湖海氣只打疊。柔情不斷。如春水。偷聲減字。問白石玉田。金荃蘭畹。多少可憐子。浮名好。低唱淺斟。何似為誰此。景輕

稟。六朝山色。雙眉翠。換了青衫。從事我醉矣。想葛帳西華。那有桃花米。能謀酒未。怕江上笛聲

堦前蛩語。漸漸有秋意。時君將入都赴選

又

孫原湘子蕭

借揚州二分明月。送君歸夢飛渡。水深口怕蛟龍得。不怕大江攔住。秋已暮。秋只在紅樓一角。無人處。凭闌四顧。拋六代眉痕。雙湖鏡影。幾片冷雲護。圖中樹。我亦曾經攀取。竹香猶繞。詩句一從陂杖飛仙後。谷柳汀花都古。君又去。便絮酒空山。誰指先生墓。此情待補。判夢趁寒潮。追尋宿草。或者與君遇。

卜算子

與程沅香晉陶季壽章為及頻伽鐵門湘湄。卓是同寓西湖來。爵樓者匝月。頻行湘湄為作

上雲萍圖諸君皆有贈行之作填此誌感

見也恩恩甚別也恩恩甚湖上萍花夜著霜不似離魂冷
瓜雪分明印小字銀鈎認算是相逢
逢又一番髮影休窺鏡

憶舊遊

怪天涯何處放得秋歸消盡吟魂瑟瑟西風急又添將哀雁相和寒碓霜華漸凋潘鬢已分劇情
根偏選夢難圓祛愁難去滿淚難溫相思向誰訴賸貼枕幽紅幾片啼痕開遍芙蓉了奈秋江
潮冷懶渡黎雲離腸記伊親送絮語最分明說莫誤重來垂楊一路青到門

踏莎行

病中餞春

懶逐蜂忙倦和鶯語韶光強半愁中度分明不覺有春來驚却說春將去
草碧黏雲柳青梳雨東皇著意安排處只應一道伴春歸如何綠到天涯住

疎影

燭淚

深情脈脈慣伴人孤影啼殘宵半風閃屏腰雨逼簷牙贏得一絲偷泣
星星莫認瓊瑰落是火齊暗穿成串記夜歸穗結親彈紅暈指尖曾染
休比靈芸艷事唾壺冷絳雪爭說凝遍拭不能

乾口待心灰。一縷情根纔斷。歡場但覺春如海。便滴盡有誰來管。試將伊照上離筵。持較袖痕深淺。

憶舊遊

酒帘

乍醅香初泛。尋遍前村。曾認竿頭。欲踐聽鶯約。憶攜柑買醉。為爾勾留。縮向綠楊陰裡。從不管春愁。比檣燕江干。花檐牆角。別具風流。半生飄蕩。恨任雨濕風翻。搖漾難休。便有翩翩字。問憑高誰辨。小篆銀鈎。記踏月歸親見。影落板橋秋。是溪畔誰家。一竿颯露忘却收。

聲聲慢

闌干

齊排亞字。巧琢連環。橫斜紅入花陰。折得花回。有人倦了閒凭。風飄袖羅垂處。露芙蓉裙袂零星。曾拍遍。怪二重隔著。翻惹沈吟。搭住垂楊幾縷。護簾錢。堂靜響簾。廊深短夢。迷離依稀。袖手曾尋關。月來遲早。記銀鈎劃處。分明春去也。又殘紅堆上一層。

如此江山

香篆

芳心那便和灰冷。氤氳小樓吹滿。幾心非烟。瘦難成字。脈脈飄來一線。薄陰庭院。看纔出金鋪。又

紫銀蒜。癡欲留伊。燕歸猶未。簾捲。前宵誰在月下。暗燒殘一瓣。曾累尋。遍乍熟。嫌。濃微高愁。散比似遊絲。還軟依依不斷。想斜倚重籠。夜長人倦。分向郎邊。半絲風替剪。

小樓連苑

簾波

畫長。深院無人。一重放處。曾垂地。蝦鬚半疊。暗風微颭。嫩成鱗細。塵押低安。曲瓊斜控。感花難起。記黏來飛絮。誤他歸燕。剛掠過。疑搖碎。想伴王郎。窗底。灑斑斑。淚潮紅。膩蕩開。月影。曾將

韓任之李廉婢名簾波杜雲川

太史為賦一律韓即舉以為贈

兩舟尋舊約

斷雁啼霜。樓烏驚月。起來漏箭沈沈。庭閉如水。人孤似鶴。薄寒逼醒餘醉。墜歡何處也。賸衫袖。星星淚痕。畫闌依舊。紅窗半掩。只少倚闌人。多不分天涯。飄泊恨。有才人消受。還到卿卿。隨風浪梗。經秋霜蒂。可憐一樣雲子。亂山遮望眼。那遮得相思。夢魂。夢能來否。孤衾為爾歸去溫。

摸魚兒

聽杜晚蘭女士彈琵琶

倚紗窗。圍燈促坐。深情同戀。紅玉檀槽。細把沙羅撥。親理冷絃索。彈一曲。早逗引。春愁。慳鎖眉。

山綠韻清拍促。似的的明珠走盤不定。指下迸千斛。傳神處。健比霜鷹鬪鷓。冷如思婦宵哭。忽然寫出幽閨怨。歲晚空蘿空谷。背畫燭。偏惹我。柔魂消盡屏風角。乞桃花粥。待偷閒。蘭香幾時下嫁。江上有漁屋。

浣溪紗

巾字文窗亞字蘭。犀簾一桁鎖輕寒。春魂扶不上屏山。倚曲翻成鴛鴦舞。檢香熏盡鷓鴣班。錦衾爭奈半牀閒。池面荷風吹夢還。簾紋如水作去秋寒。起來花影壓闌干。記得十年心上事。一般清景畫來難。斷雲扶月月銜山。

浪淘沙

月下聽雙鸞彈胡琵琶

清露冷疎林。小坐娉婷。檀槽閒撥送淒清。不信四條絃索上。如許秋聲。昨夢已難尋。何況而今。眼前沒個舊時人。除是當頭眉樣月。還解來聽。

虞美人

雨夜不寐有憶

宵長更著連纖雨。沒地推愁去。一聲聲滴一更更。只道離人聽得未分明。低迷春影渾忘却。那分思量著。桃笙如水淚如潮。爭不為人流夢到虹橋。

臨江仙

鷓鴣踏枝翻暮影。西風吹到垂楊。碧芙蓉瘦小銀塘。一痕沙上月。銷作滿庭霜。荷葉杯深判獨飲。醉鄉春勝愁鄉。紅窗影寫燭花涼。強凭青玉案。閒夢謝秋娘。

壺中天

題頻伽魏塘移家圖時在吳門舟次

浮家泛宅。儘阻風中酒。吳根越角難得好。山偏借得。卸了蒲帆十幅。畫麓書囊。留於茶臼。占滿三間屋。文窗掩處。中間人定如玉。堪憐我有園亭。花園柳巷。小徑隨波曲。一自飄零成蕩子。客鬢漸消愁綠。飛絮生涯。勞新身世。誰問窮途哭。幾時息影。慰他山裏猿鶴。

喝火令

客揚州作

瘦影畏銀燭。驚魂安帳紗。可憐飛燕戀飛花。同是一般飄泊。小住別人家。慧業消磨我。生綃供養他。花冠催起月西斜。只恐重逢。只恐鬢生華。只恐輾紅十丈。分子即天涯。

聲聲慢

舟過毘陵

聽潮聽雨。聽水聽風。怱怱已過毗陵。一葉扁舟。載將幾許秋心。便說家鄉近也。奈還鄉。仍算離人。

知何日。始青山買得。料理歸耕。聞說蘇隄春老。問六橋。花柳曾否飄零。四載重來。此身不是閒雲。只恐湖山笑我。笑而今。減却豪情。誰勸鱸。舍烟霞去踏輶塵。

浣溪紗

綠胡蝶

飛上閨人碧玉簪。雲鬟輝處認難分。天涯芳草夢中身。樓向花叢渾似葉。照將春水欲無痕。撲時迷煞踏青人。

摸魚兒

泛舟西湖。經來爵樓是庚申歲。與鐵門頻伽。湘湄卓是沅香聯榻處也。茲以掃墓來尋舊遊。諸君皆散處吳會亭臺。如昔人事都非。即日感懷。因東何夢華元錫錢金粟林陳曼生鴻壽高爽泉趙雲門春沂諸子

又負息。故鄉小住。扁舟來訪。吟伴湖山不改當年景。無奈酒邊人遠。樓一面。認十二紅闌。舊日曾凭遍。萍飄蓬轉。怪同向天涯。營業未定。輸與畫梁燕。東風輕。空把繁英。催亂鷗。盟不為吹暝。一番聚首無他事。辦一番腸斷。歡苦短。沈我昨思歸。已買船三板。沙博易散。莫輕放尊前。看般風月。一任酒杯淺。

高陽臺

湖上用玉田生韻

山遠窺窗。波平浸影。小紅初勸航船。人是重來。幽懷冷是當年。多情只有風前柳。尚盈盈、青眼相憐。惹淒然。一箇湖心，吹破春烟。十年空訂量珠約。怕鶯期不定，留恨樊川。添得愁痕，依稀眼角眉邊。雙行並坐須臾事。料難償、獨夢孤眠。背湘簾、淚血偷彈。學了啼鴉。

醉太平

山程水程。長亭短亭。有人遠道初經。數郵籤與聽。飄開曉行。潮生夜停。累他小膽頻驚。聽風聲水聲。

高陽臺

紀別

鮫淚初拋。驪歌半咽。隆隆車軸鳴時。難解春愁。當時悔載春歸。東中莫怪先迴避。料眉愁。怕被人知。最憐伊。誰料今番。付與相思。可能遮斷懷人夢。過長亭是柳。暮盡風絲。一片離心。那曾挽住此兒。綠陰青子匆匆甚。問歸來、誤否鶯期。舉鞭遲。怕聽門前。嘶斷班駝。

南柯子

楊蓉裳先生芳燦招集芙蓉山館分詩牌限調填詞各得二闕

眉似霜花瘦。魂教倦蝶尋。湘簾鈎好水窗凭。無奈青山面面染愁痕。采菊添秋影。敲棋答雨聲。

羅衫分與暝香熏。休聽飛鴻啼夢怨飄零。

霧閣迷鸚鵡。瑤臺鎖鳳凰。因無聊賴下紅窗。又見紗窗拋亂合歡牀。寒影羞殘月。單衣忍清霜。雙魚定怯晚潮涼。寫就花箋。未敢寄秋江。

生查子

再集芙蓉山館分詩牌作閨怨辭

拂鏡曉妝遲。沈水閒焚遍。瘦蝶立屏梢。貪近湘簾映。歸信誤鶯期。夢逐天涯遠。不忍見庭花。付與啼鶯管。

清平樂

月下憶家

帶寬移孔。愁是新來種。坐到滿城鐘欲動。衣薄不禁寒重。前宵月子彎彎。今宵月子團團。想遍故園高閣。涼生何處闌干。

壺中天

本湘江元璫 招同陳雲伯文述楊伯夔 夢生 集少摩山室玩月因懷江南故人

生憎月子。照客中孤影。分明何事。風露一庭螢四壁。漸入新秋天氣。簾展涼冰。簾垂犀押。圍坐寒光裏。衫輕酒薄。墜歡無奈天際。此夕誰倚高樓。誰橫短笛。誰擁黃綢被。鷗夢初圓雲聚葉。

可念征人孤寄。拋却山青。踏來塵鞵。事事違初意。心隨斗柄。連宵空向南指。

國香慢

小伶雙鸞向在白門樂部中識之。今來京師。忽遇於吳蘭園大令。自求席上。何勘老大王粲。飄流把酒相對。清淚棲睫。昔玉田生於京師。遇杭妓梅嬌。傷其零落。為賦此調。感慨今遇。無異昔賢。依調抒懷。並次其韻。

走馬金堤。怪乍停銀勒。忽遇紅兒。琵琶抱來遮面。袖禪衫垂。說著腰圍瘦減。向風前羞撥楊枝。愁蛾背鏡。斂料得秋心。酸透多時。歡場成昔夢。胡曾曾鳳約。爭便鸞飛。幾經彈指。何處更證蘭期。不待一聲河滿。惹尊前淚早沾衣。沾衣漫相勸。爾已飄零。我未成歸。

虞美人

夜寒不寐

如潮漏箭銅壺瀉。漸近三更也。西風何苦作。去輕寒。難道不知客被未裝絲。雁聲蛩語如相和。夢短頻驚破。謝他月子太多情。來向屏山角上一絲明。

卜算子

夜坐用浣鄉韻

借得屋三間。影伴殘燈住。一片蛩聲逼短窗。靜夜聽疑雨。有夢欲還家。苦記南來路。重疊山

戀數不完。斷雁呼人語。

高陽臺

題葬花園

穉綠初勻。老紅欲退。垂楊庭院沈沈。玉墮烟銷。篆香熏醉。苔痕可憐一幅紗囊小。儘招來多少。
春魂怨。東君苦為催開。那算多情。紅闌幾曲。留纖步。映鴨頭波綠。雁齒橋深。欲去還停。料因小。
戀啼鶯。深深埋玉。知何處。逼人間都是愁城。好丁寧。便有來生。莫到紅塵。

捧月樓詞卷一終

捧月樓詞卷二

錢塘袁通蘭邨

金縷曲

送汪子山司馬

世泰

至盧溝橋留宿玩月憶昔己未冬出都錢謝庵枚張子白若采尤二娛

維熊錢我於此今五載矣傷離感舊為賦此詞

君又南歸矣。怪驪歌匆匆催發。一行車騎。撲面西風塵似霧。吹冷離愁如水。忽追憶。五年前事。無
定河邊垂柳下。是群仙送我勾留地。分袂語。尚能記。金尊重把銀缸底。恁香醪。今宵都變。酸辛
滋味。薄醉不成宵漏促。鐙燄剔殘紅穗。忍冷向橋閣同倚。妒殺銀蟾圓似鏡。恰照人。歸路明如此。
君知我斷魂未。

前調

中秋夜與邵蘭風

廣銓

吳蘭園

自求

集錢謝庵吏部綠伽楠精舍酒紅欺面簾碧成水回憶

昔年彌漸今遇悵然成詞

又負團樂節。問勞人為誰遣。向天涯為客。穗結寒鐙羞照影。累爾欲雙不得。更遙憶。紅闌淒絕。約
略征衫親剪就。定堪督鼓碎中庭月。可怨著。輪蹄鐵。華顏鏡裡驚非昔。嘆駒陰。去如電速。未容
人惜。浪說烟雲曾供養。彈指卅年陳迹。今日作飄零風葉。潦倒心懷誰解識。把金尊賸向常儀說。

須為我一絲缺。

卜算子

吳山尊侍讀為錢小謝廷頌作秋窗聽雨圖小景屬題

風急帶秋來。雲濕依山住。涼入樓心逼夢醒。添陣疎疎雨。紙上有秋聲。似讀蘆陵賦。待買生銷更乞君。畫我林疏處。

高陽臺

船山招同山尊蘭圃蘭風小謝集寓齋餞胡香雨以暉出都填此志別並東江南故人

風約萍開。鷓鴣客去。塵遮不住歸程。好借深杯。為君一暝冬心。圓鑑記曲拈紅豆。有新愁。帶上歌唇。嘆勞生似雁辛勤。似葉飄零。行行漸覺江南近。看柳縈車碧。山繞船青。回首長安可遠憶。我零丁。故人相見煩傳語。道新愁。較比秋深。最關情。莫任西風吹冷鷗盟。

金縷曲

追吊黃仲則先生即題其悔存齋詞用集中贈汪劍潭韵先生至白門秋試每主余家故詞中反之

天不容疎放。召才人玉樓歸去。白雲遙望。畢竟笑他塵海窄。難著依稀身量。空付與窮途惆悵。留得傳鈔詩萬首。有光芒不逐愁魂。聲激烈。氣排薄。新詞更壓蘇辛上。想當年。悲歌擊筑。淒清

情况宿草茫茫何處覓。只賺才名無恙可記。否長干東巷。一榻空山曾小住。逞豪吟題遍梅花帳。輸後鶴聞清響。

洞仙歌

玉波生憶青溪影。事作也春人已去。冬心不溫。離獸東南。牽牛西北。觸事成感。偶倚此詞。十年春夢。怪鶯聲啼醒。風絮迷濛漸無影。奈眉心傳語。被角分寒。此子事難忘。箇儂風韻。浮萍身世恨同是。飄零底事。天涯見無分。吹斷鯉魚風。紅葉如潮算。不得秋人芳訊。可認作私盟。没人知。恐第一難瞞。那時鴛枕。

玉連環影

歡去夢也無尋處。繞著思量。滿院涼蛩。語背屏山坐。更關添箇斷鴻聲。逼短檠寒。

壺中天

秋日憶故山

亂雅殘葉。捲西風成陣。作去成寒意。又是題糕佳節近。二徑欲歸無計。衾受霜冰。夢驚鐘短。苦釀秋滋味。茱萸插處。故人曾憶儂未。遙想楓葉燒霞。芙蓉笑露。紅遍家園裡。冷落畫樓闌十二。誰向風前開倚。鶴怨後愁。柳憔悴。都為離人累。鷗盟冷否。天涯盼斷雙鯉。

金縷曲

與蘭風話秦淮舊遊振觸隆歡黯然得句

無恙清溪景任更番。燒殘劫火。尚餘金粉。一片春江花月。在不放笙歌聲冷。繫幾許畫船烟艇。丁字簾衣侵曉捲。有鶯鴻影。涼波靚。風過處。香成陣。十年枉收清狂甚。向花叢。爭彈銀甲。琴調玉軫。豔福無多。消受遍。換得亂塵樓鬢。生怕把舊遊重問。不料風懷濃似繭也。一般同抱。漂蓬恨。三生夢。倩誰證。

齊天樂

登陶然亭題壁

盤蛇逕在叢蘆裡。小車屈曲尋去。似錦丹楓。如潮落葉。作去弄秋深如許。危闌試撫。覺澆却征衫。幾分塵土。遙指西山。一痕青到舉杯處。當年曾此坐嘯。歎重來不見。詩伴吟侶。僧尚留賓。事難證佛。已算滄桑一度。休辭起舞。問鬢影依然。舊時青否。悟後心情。不須聽暮鼓。

買陂塘

荅裳先生招赴極樂寺訪菊因雨不果賦此志感即呈荅裳索和

怪紅塵茫茫似海。秋都無可尋處。今朝有約參蓮社。勝友先期招聚。清夢苦。早化蝶。迷離繞遍城西路。偏他青女。又一夜商量。鎔霜銷露。散作滿天雨。良期誤。簷溜聲聲不住。寒風并作去。淒楚。料他老衲。還相笑。清福竟難分與。君記否。我也。有園亭。也有花如許。未能歸去。却轉向天涯。傍人

籬落。此恨況誰訴。

附前調

同法梧門謝香泉吳山尊極樂寺訪菊遲蘭邨不至填此奉柬

楊芳燦 卷裳

叩招提四三吟伴。襟懷蕭澹如許。黃花半已移根去。寂寞亂莎荒圃。霜葉舞。任紅到消魂不是。吳江樹。鄉心漫苦。只目送寒天。閒雲過盡。一碧洗秋雨。西風裡。野色蒼涼無主。亭臺高下烟霧。山僧留客餐香積。共趁瓢堂齋鼓。聽俊語道。此度清遊。惜少衰臨汝。沿畦小步。又回首疎林。依依暝翠。雁背斷霞暮。

金縷曲

寒夜憶故山

數到更三轉。只窺簾。一絲寒月。似來相伴。倚遍屏山。燒盡燭。不道夢如天遠。又何處。碁聲敲斷。絮被中宵親自疊。嘆半牀。冰透無人管。誰解慰。金猊曉。歡場事怕從頭算。怪年時鞭絲鬢影。素衣塵染一片。青山三畝竹幾處。藥欄花檻更誰。以玉蕭金瑄。苦為浮名拋舍却。便等閒讓與癡雲占。仙去否。閒雞犬。

又

題永州司馬李文虎觀邦燮梅梁漁隱圖

展卷呼奇絕。青溪山。依稀夢裡。記曾遊歷。一樣疎林延月。更一樣疎林延月。更一樣胡麻留客。不信先生真到此。借生綃寫出。烟巒活。渾似見。舊相識。荆湘遠。柱看山笏。想閒情。香篝沈並。歌詠湘瑟。乞取鑑湖他日事。安穩浮家泛宅。相約換雨。簾煙。笠竿拂珊瑚。湖雲送漿。倚瓊簫。吹破湖烟碧。鷗盟在。願同結。

臨江仙

記得畫橋西畔路。金鈴低。吹雲根斷。鐘鼓月到柴門。柳枝扶瘦影。花露醉春魂。飄瞥流光同逝水。紅窗夢去無痕。錦衾抱得倩誰溫。離離星影下。無奈此黃昏。

又

記得小橋初嫁了。雲軒駕鶴歸時。九雛釵壓西鬢。薄捲蟬翼鬢。空畫月被眉。無意詢他天塔事。頰潮紅暈胭脂。新來言笑太矜持。不應裙帶上。雙寫合歡詩。

又

記得蘭期初七夜。秋窗曾約春人。癡雲圍住閣三層。下梯嬌刻轡。避影巧遮燈。暝絮一團飛入抱。輕盈碧玉腰身。訴來別恨太零星。薄羅衫一角。曾為拭紅冰。

又

記得木蘭舟上坐。衫鸞初識文簫。蓬窗溫酒話深宵。一颿衝社雨。雙槳劃春潮。一自天涯成遠

別。恩。恩。十。載。浮。飄。歌。聲。怕。聽。水。仙。謠。烟。波。天。樣。闊。何。處。段。家。橋。

又

記得春寒寒側側。藥鑪曾伴雙文。傳聞肺疾忌香熏。麝珠容妬乞瓶弁。許郎分行近紗幮。貪久坐。等閒壓皺羅裙。慵粧不整兩鬟雲。偏忘纖指冷。強為數螺紋。

又

記得畫闌紅壓水。水邊一帶垂楊。携將冰筆坐迴廊。波平同鑿影。簾薄不遮香。忽地柔腸涼似雪。分來一盞瓊漿。料無消息到王昌。只愁瞞不得。三十六鴛鴦。

又

記得涼颼飄露葉。長宵人擁微醒。閒房曲曲掩銀屏。吹燈添月影。擷笛和秋聲。被熱金猊初試煖。不知斗柄西橫。起來和夢下空庭。欲歸還小立。花底數寒星。

又

記得圍鑪添獸炭。却寒簾下重重。折枝梅亞膽瓶紅。一琴橫短榻。人坐煖香中。紅玉斟來頻勸飲。相偎剛近熏籠。眼波遞與恁惺忪。醉妝無氣力。倚枕聽銅龍。

又

記得討春尋昔昔。門前春水初平。十的香夢苦分明。簾開朝放燕。簧脆夜調笙。密誓誓星前雙拜

處常儀鑒取深情玉清淪謫又三生長眉聞入道不減舊時青

又

記得初晴鳩婦雨嬉春同上鸞車雙輪繞陌碾輕沙紫騮如解意宛轉避飛花撲蝶會開殘照裡依依怕說遠家生憎柳線趁風斜迴身招女伴拂亂鬢邊鴉

又

記得船迴邀笛步紅闌袖手凭時疎疎亭角晚風低吹開裙百蝶斜露玉雙螭花下幾番圓楚夢留將謎語迷離喫虛心細有誰知起常憎婢早睡每恐娘遲

又

記得歡場彈指別迢迢遠隔星河通辭未敢託微波感歎空有賦得實怕聞歌憔悴新添潘鬢雲纖愁難覓龍梭年時誰伴病維摩桃花和粥噉心裏莖春多

金縷曲

芸暉書屋借錢謝庵吏部許八兼上舍景語及蓉裳蘭園小謝伯夔作消寒會送邵四赴河

聞盛太守悖復墓

獵獵西風急捲簾臺酒徒都散似他霜葉難得沙擗今夕裡燈影映邀寒月偏又聽驪歌淒咽莫怪當筵慵引滿有愁波冷沁杯成鐵聽漏箭四更徹明知不是天涯外却何堪君非歸去我猶

為客記取相思明夜夢。莫向故山尋覓。更珍重。征途眼食。聞說河間多姹女。定胭脂。紅染生花筆。書寄我。墨休惜。

洞仙歌

憶舊聯句各占一韵得二解

紅蘭一曲。倩萬花圍住。

錢廷

正晚寒浸夢。淒綠成烟。那用滴。幾點斷腸珠雨。

揚夔

春魂扶不動。約略尋來。半在鶯聲最多處。通纖手。摩雙柑味。滿中邊笑。不似蓮房心苦。

垓曾記說。今宵月偏遲。好准備籠燈。送儂歸去。

夔生

又

紗籠小小。慣偷穿茉莉。

夔生

簪上釵梁。麝香細。是娘愛。桃笙如水。涼浸梨雲。零星語。訴向蚊雷聲。

裡通

纖鞋紅。匡匡浴罷冰肌。輕妝窺簾月光膩。夔生珊枕壓鬟絲夢。影迷離。怪醒後。惺忪難記。

是娘恁正好。新涼曉風時。却貪整晨粧。背人先起。通

海天潤處

綠伽楠。精舍同程。春廬駕部。同文卷裳。謝廡蘭園。小謝雲伯。夔分題詠。古得延春閣。是元

順帝念三聖奴等。演十八天魔舞處也。

牙鑿戒冷千年。瑤樓玉宇。知何處。當時誰見。法傳秘密。教成歌舞。小隊宮娥。對騎金鳳。飛橋爭渡。

料皆番蓮掌。聲諧清梵。曾高過行雲住。奏遍組鈴扇鼓。早迷離燭圓香霧。明珠塔納勾圓一串。君王親付。龍去闌空。鶴歸松老。劫灰飛聚。問陰山毳帳。可還容得。眾天魔否。

慶春宮

芙蓉山館消寒小集分題號國夫人上馬圖

未醒春醒猶扶殘夢。監奴催上金鞍。鬆梳鬢雅。欵符釵鳳。果然素面朝天。捧來鸞鏡。待照取花鈿。自安。玉鞭慵接。銀勒初調。直恁懨懨。生銷留影。踟躕欲問當時。行樂誰違。興慶遊耶。華清歸否。可因看打毬還。阿瞞顯額。只貪擁宮中玉環。何曾解辦。趨蜀匆匆。一具香鞦。

金縷曲

闌干和卷棠

紅逐回廊轉。銷春人。幾重香夢。那容飛遠。望裡珠簾長委地。偏愛橫分一半。把花影零星遮斷。誰放風箏無氣力。慣偷將綵線深深瑣。修得到。代嬌脫。連環卍字雕來倩。總勝他。文窓麈尾。竹籬鹿眼。撲蝶狸奴。愁太甚。曲曲記曾穿遍。更遙落飛英。鋪滿最是開階。放界住。又無端。青壓苔衣扁。却不隔。暮寒淺。

百字令

蔣大冶師大鑑 招同藍尺石太守 嘉慶 程謁人中翰 元吉 張船山太史集雙槐禪院歸酒

徵歌極一宵之樂。填此紀事。是屋為余。已未歲舊寓之地。故詞中反之。

春風有意。把朋簪吹聚。蔣三徑。一片癡雲圍四座。薄醉未容旋醒。巧謎藏鈎。新聲撇笛。俊關心聽。熒熒佛火。款斜搖亂人影。我是前度劉郎。詩春重到。爪雪依稀認。坐滿金貂。厨有酒。絕勝當時清冷。按譜徵花。治辭新編曰。下看花記成。垂簾隔夢漏。怪今宵。永登車笑指。客星移近東井。

摸魚子

蘭風以上銓日復來京師。集錄伽楠精舍時去。謝庵委化日。已匝月矣。萍蓬重聚。人琴增

感。臨風酌酒。悲而成詞。

怪匆匆六旬別耳。滄桑變幻如此。通聽亭三兩闌心語。那分緣終今世。即廣君竟死。通問碧海

紅塵更有誰知己。廣銓魂兮歸未。通聽子夜啼烏。虛堂竄鼠。鉛淚落如水。廣銓杯浮蟻。可尚能

來一醉。通欲呼君飲。無計。廣銓風吹道挂。翩翩翻動。疑欲振衣而起。通寒月底。廣銓把薤露歌殘。心

逐霜花碎。通古懼永墜。廣銓嘆呂掩書墳。揚歸元家。此恨幾時已。通

齊天樂

小謝以失怙來偶。仄心世事。作西溪禪隱圖索題。

傷心人。沒埋愁地。除非邀佛來證。一領方袍。數聲清梵。銷得幾多淒恨。蒲團坐穩。問舊夢三生。

那堪重省似雪蘆花可憐不抵客懷冷 憑誰畫此變想恐尚難繪出飛去雲影白社人來紅羊劫過煩惱新湏焚盡鐘魚初靜好祝鉢生蓮磨靛成錦莫遇摩登又思輕出定

虞美人

汪五鄴樓度見寄札中緘梅花兩朶云倉山香雪海中向北枝也感良友之多情傷春光之將老旅懷長觸為倚此詞

開函忽覺香沾手兩點梅魂瘦謝他舊雨太關心教識故園春已者般深 赫蹏紙薄重重護好伴離人住家山千樹正橫斜只汝迢迢尋我到天涯

貂裘換酒

留別荅蒙先生

竟別公行矣記年時攀安提萬交群拜紀香火靈山光不滅纔覺一經彈指早結就因緣三世公報先公知遇感今不才又感公知己做佳話古誰比 勞勞負米來燕市嘆飄零萍蓬踪跡幸相依倚暑簟寒衣憐客窘刻意先為料理更辦到歸程行李莫怪數行臨別淚趁東風彈向公懷裡須待我見時洗

又

靜夜呀然笑數家風掄才愧虎讀書慚豹丁字識來無一箇何啻邢家大道敢苦怨知音人少

那料見公纔半面。早津津。說項為傾倒。扶斤鷄上雲表。偶然唱出巴巫調。更殷勤。拈毫覓和。學
牋抄稿。不似尋常標榜語。別肯推襟送抱。今判袂。故為公告。曲木終難欺。大匠忍。葉龍羊鶴。徒遭
誚。於許意甚時報。

滿江紅

河間道中先寄邵四

屢換行期。笑歸計。今番纔草。早孤負。故園花事。幾番風信。紙初明。毛義檄。二毛已上安仁鬢。
記天涯。有客盼征人。兼程進。前期在。臨歧訂。前津近。停車問。借賴鱗充使。為通芳訊。風裡最難
團落絮。客中可怕添新恨。待重逢。煮酒話深宵。君應肯。

虞美人

單家橋小憩見杏花一枝紅亞墻缺

誰家繁杏開如許。轉眼頻驚。顧幾番。欲折又逡巡。要向天涯多膽幾枝春。疑顰似笑紅千片。
嬌映朝霞。倩相看。那得不思家。又負鳳凰臺畔一邨花。

滿庭芳

春事將完。胡蝶懶。揚花開瘦。鯉魚肥。遊子未成歸。亡友錢謝庵吏部江南好詞中句也車
中偶憶及之時事略同生死異趣倚此憶懷

樓月村言 卷二
一
啜絮魚肥。傷春蝶懶。錢郎絕妙新詞。酸心消息。試問阿誰知。一種飄零身世。前生定館就愁絲。誰能料理香莖玉。宿草已離離。紅兒曾教取偷聲減字。香染脣脂。怪偏從客理。值此良時。識得東君心性。幾曾因倦客歸遲。彈清淚。隨風飄處。紅上小桃枝。

高陽臺

車行遇雨

洗柳添青。韻桃增豔。東風織雨斜吹。去。弄輕寒。要教客裡人知。打篷幾陣疎疎响。儼吳船背燭聽時。試披帷。撲面危峰。冷翠沾衣。漸看堤草微微潤。厭驚沙不起。雲脚低垂。偶露殘陽。更添暝色。淒迷前却。知有人家近。認炊烟帶濕橫飛。恁行遲。瘦馬玲瓏。不耐鞭絲。

清平樂

途中見楊柳

楊柳低舞。苦絆征輪住。似欲填平遊子路。吹散滿天香絮。紅襟來往輕盈。謝他燕子多情。剪得東風斷處。歸程一道分明。

定風波

雨中見梨花盛開

暮靄迷離。草遠却。悄悄天氣欲黃昏。樹底小門何處覓。愁絕梨花濕盡雨中魂。記得年時微月

夜簾下玉人相並影難分。苦為傷春。彈紛淚。憔悴啼痕。滿面正如君。

謁金門

官道小憩

烟漠漠。麥浪欲翻風穀。遙聽隔林人叱犢。短歌聲斷續。一片癡雲低覆。作去弄春陰薄薄。耐得輕寒眠正熟。蝶魂黏草綠。

虞美人

山行

危崖疊嶂疑無路。野寺留人住。春光到得此間難。飛過柳絲幾片當花看。聲聲鷓鴣林中喚。歸思催零亂。家山料也看般青。爭奈遮人一五十長亭。

點絳脣

桃源道中遊路旁廢園見桃花亞池半已零落偶拈此解

料峭寒輕纖雲閣。雨春陰嫩。小桃弄影。浸入慙冷。轉盡危廊。寂寂無人問。風初定。落紅成陣。飛貼關干穩。

買陂塘

息園納涼

掛月杳言 卷二
傍青溪。名園半畝。叢篁青護。三徑芳塘似月圓。高閣借我分涼。偏肯風乍定。鋪一片紅魚影。繡波心靚。關千開。凭盡沈李浮瓜。調冰雪藕。分付熱腸冷。簾攏靜。隨意桃李。鋪殘夢。殘涼貼。珊瑚枕。柳絲著地。輕篩日。吹過荷香成陣。無賴甚。問蓮子誰拋。打得鴛鴦醒。晚烟欲暝。倩幾點星。疎一痕月瘦。來照夜深飲。

玉胡蝶

九月望日感舊

零亂濕雲拖雨。西風吹斷。閣住林梢。倒影殘陽染就。半幅紅綃。裏蟬聲一梳寒柳。早驚秋瘦了。纖腰最無聊。羊燈欲上。又近長宵。迢迢負伊燕約。空勞馳夢。辛苦文簫。春影迷離。更從何處覓。藍橋。使紅葉堪題恨字。怕丹鱗不渡霜潮。卷魂清。去年明日。今歲今朝。

女冠子

黃嬾灘上影事闌。心白鷺洲邊。春魂沈雨。作歸舟。纜月圓。以志昔遊。首借韋端己句。

四月十七。記得那年歸日。泊舟時。瘦影寒窺月。長楊綠染眉。匆匆留鳳約。再再過鶯期。試喚黃嬾問。可曾知。

虞美人

秋夜對月不寐有感

文窓六扇依然閉。簾影涼垂地。月光如水又三更。轉盡迴廊。少箇倚闌人。蘭因絮果分明甚。彈指憑誰問。算來只有苦思量。消得秋鉞。二十五聲長。

齊天樂

分明不是天涯別。離心偏恁酸楚。淚睫羞燈。愁蛾染鏡。誰畫露花風絮。斷難留住。却痴語更番可能休去。淒戀情懷。花冠也覺怕催曙。今宵蓮萼聞也。知明宵虬箭。同倩誰數。夢冷兜衾臂。寒替枕。飄警怕成前度。撥殘香炷。問心似鑪。灰者般溫否。莫化牽牛。隔河貪獨處。

闌干萬里心

一分春色一分愁。對影徘徊對鏡羞。料得妝成簾倦鉤。怕凝眸。風卷飛花欲上樓。

高陽臺

題斜倚熏籠圖

雁足燈孤。蛾鬟幃掩。無聊又到黃昏。被冷神絲。料慮不鎖梨雲。星星偎近熏篝火。戀餘香。比似卽溫。試普騰。有底思量。直恁消魂。一襟幽怨無從。說任枕鸞笑。影衾鳳窺。人盼斷。花冠沈沈。已過宵分。惺忪判守。玳窓白。待他滿鏡。愁痕可憐。生誰惜。鮫珠紅漬湘筠。

虞美人

客夜有懷

濃霜拂檻寒於雪。漏水聲聲咽。凝留瘦影伴孤衾。臨睡披衣強自剗殘燈。柔腸叵耐車輪轉。夢比天涯遠。夢遙腸斷未堪憐。只恐卿卿也是不成眠。

高陽臺

冷冷清清。淒淒切切。更無人伴今宵。一片秋聲。西風吹出庭蕉。商量且共離魂語。奈離魂強半先消。好無憐。病似文園。愁勝文箭。居然攔住。懷人蕊有金鋪。疊疊銀漢迢迢。只勝涼蟾多情。還照屏梢。相思字沒雙魚寄。怪霜風瘦了。江湖。恁蕭條。如雨啼螿。猶近窓察。

菩薩蠻

可憐九月初三夜。月痕又到屏簾下。沒箇卷簾人。蛛絲網細塵。沈沈更漏水。薄薄羅衾冷。只此惹魂消。今宵第幾宵。

虞美人

客衾殊薄。閨人親為裝繡倚此酬之

勻於飛絮。明於練。擊畫同功。繭。莫來只是伴孤眠。贏得兜羅繡手與裝繡。重重鋪就。親加線。付與深宵睡。但愁夢覺背寒鐵。不分回身。還把半池冰。

憶舊遊

題廖十三雲程風雨懷人圖

怪聲喧鴛鴦。皎閃銅荷。寒逼長宵。影斷天邊雁。念舊遊何處。雲水迢迢。欲憑彩牋傳語。魚信冷秋潮。問幾處。聞齋。誰家池館。同恁無聊。蓬飄甚時定。使他日重逢。鬢綠愁銷。記取纏絲意。將一碟新恨。寫上生銷。竹梢漫吹殘滴。添响入紅鞋。恐蕭索何郎。衾。寫夢已天樣遙。

摸魚兒

題晚山雪霽圖

是誰人晨曦未上。衝寒親訪幽境。芒鞋冷踏瓊田。瑤來伴水邊疎影。林樾靜。鶯翠杪。枝頭香夢初醒。烘晴日嫩。愛霽色分嵐。凍烟沈水。清絕此時景。披圖認。彷彿吾家山徑。樓台高亞巖頂。玻璃四面圍香雪。中有梨雲三頃。余家琉璃世界外。植梅七百餘株。寒意近。待開到南枝。朔吹催芳信。與君相訂。試鶴氅同披。餐英踐玉。一石醉應肯。

鵲橋仙

雪夜

剪水成花。借風搏絮。陰陰作去。就愁天氣。孤衾已覺。夢難溫。今宵又恁寒如此。剗轂閒情。畫燈影事。料應一一思量起。朝來珊枕濕紅冰。羅娘漫認。臘脂洗。

浣溪紗

鏡裡驚鸞有淚痕。枕邊夢蝶影初分。春魂不睡倩香熏。烏骨簾遮花外路。魚鱗鑰鎖月中門。略

無消息又黃昏

行香子

怕到長宵。又是長宵。問何人來伴。又簫。燈搖影瘦。心逐香焦。奈夢成。烟衾似水。淚如潮。醒也無聊。睡也無聊。盼花冠。整總迢迢。悽清福分。分與誰消。耐霜一簾。更五點。燭三條。